


ಪ್ರಣ್ಯ ಕೊಡಗ್

(ಕೊಡವ ಕವನ ಗೂಡ್)

ಅದ್ವೈತಜಂಡ ಪ್ರಬೀಣ್ ಜಂಗಪ್ಪ



ಕರ್ನಾಟಕ ಕೊಡವ ನಾಹಿಕ್ಯ ಅಕಾಡೆಮಿ
ಮೆದಿಕೇಲಿ

ಪುಣ್ಯ ಕೊಡಗ್

(ಕೊಡವ ಕವನ ಗೂಡ್)

ಎಳ್‌ದ್‌ನವು

ಅಪ್ಪುಣಿಚಂಡ ಪ್ರವೀಣ್ ಚಂಗಪ್ಪ



ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ
ಮದಿಕೇರಿ

PUNYA KODAG: A Collection of Kodava Poems composed by Ammanichanda Praveen Chengappa, published by the Karnataka Kodava Sahithya Academy, Madikeri during 2006.

ಕ್ರಯ : ಇರ್‌ವದ್ ಉರ್‌ಪಿಯ

Price : Rs. 20-00

ಎಲ್ಲಾ ಹಕ್ಕುಗಳ ಕಾತ್ ಬೆಚ್ಚಿತ್

All rights reserved

ಪ್ರಕಟಣೆ ಸಮಿತಿ:

ಶ್ರೀಮತಿ ಉಳ್ಳಿಯಡ ದಾಟಿ ಪೂವಯ್ಯ (ಅಧ್ಯಕ್ಷಿಣಿ)

ಶ್ರೀ ಮುದ್ದಿಯಡ ಕುಶ ಪೊನ್ನಪ್ಪ (ಸದಸ್ಯ)

ಶ್ರೀಮತಿ ತೀತಿರ ರೇಖಾ ವಸಂತ (ಸದಸ್ಯ)

ಶ್ರೀಮತಿ ಪಾಲೆರ ರಾಣಿ ಅಪ್ಪಣ್ಣ (ಸದಸ್ಯ)

ಬೊಳಿ ಪಡ್‌ತ್‌ನವು :

ರಿಜಿಸ್ಟ್ರಾರ್, ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿ

ಸ್ಯಾಟ್ ಭವನ

ಮ್ಯಾನ್ಸ ಕಾಂಪೌಂಡ್

ಮಡಿಕೇರಿ - 571 201

(ಫೋನ್: 08272 229074)

ರಕ್ಷಿಪಾಳೆ ವಿನ್ಯಾಸ :

ಮಣವಟ್ಟಿರ ವಿದ್ಯ ಅಶೋಕ್

ಅಚ್ಚಾರ

: ಶಕ್ತಿ ಪ್ರಿಂಟರ್ಸ್

ಕೈಗಾರಿಕಾ ಬಡಾವಣೆ, ಮಡಿಕೇರಿ - 571 201

ದೂ: 08272-228829, 228382

ಫ್ಯಾಕ್ಸ್ : 08272 228875

ಈಮೇಲ್ : shakti_kf@yahoo.com

ಅಧ್ಯಕ್ಷಿಣಿರ ತಕ್ಕ

ಕೊಡವ ತಕ್ಕೊಲ್ ಕವನ ಸಾಹಿತ್ಯತನ ಬೊಳತುವ ಉದ್ದೇಶತ ಪಿಂಞ ಎಳ್ತಕಾರಕ್ ಒತ್ತಾಸೆ ಕೊಡಪ ಉದ್ದೇಶತ ಕವನ ಪುಸ್ತಕತನ ಬೊಳಿಪಡ್ತಿತ್. ಬೊಳಿಕಂಡ ಎಲ್ಲಾ ಕವನ ಪೆರ್ತ್ ಚಾಯುಂಡ್‌ಂದ್ ಎಣ್ಣುವ ಕಯ್ಯಲೆ. ಚಾಯುಳ್ಳಾಂಡ ಕೂಟಕ್ ಒರ್ ಮಾದಾರಿ ಉಳ್ಳಾನೋ ಸೆರಿಕೂಟಿತ್ ಪ್ರಕಟಪಡ್ತಿತ್.

ಎಳ್ತಕಾರ ಹಠ- ಪುರ್ಡ್‌ಲ್ ಮಿಂಞಕ್ ಮೊಟ್ಪ್ ಇಟ್ಟಕ, ಇಂಞಚ್ಚಕೂ ಚಾಯುಳ್ಳ ಕವನ ಪಿಂಞ ಪಾಟಾನ ಎಳ್‌ದುವ ತಾಕತ್ ಅಯಿಂಗಕ್ ಉಂಡ್‌ಂದ್ ಎಣ್ಣಿಯಂಡ್, ಶುಭಾಶಯ ಬಯಂದವಿ.

ಮಡಿಕೇರಿ
1-12-2006

ಉಳ್ಳಿಯಡ ಡಾಟಿ ಪೂವಯ್ಯ
ಅಧ್ಯಕ್ಷಿಣಿ

ಎಳ್ಳೆಕಾರಂಡ ತಕ್ಕ

ಮೇಳ, ಕವಿಕೂಟ, ಸಭೆ ಸಮಾರಂಭತ್ ಪಾಡುವಕ್ಲೆಂದ್ ನಾನಾ ಸ್ವಂತ ರಚನೆ ಮಾಡ್ನ ಕವನ ಇದ್. ಸುಮಾರ್ ಕವನ ರಾಗತ್ ಪಾಡುವಕೂ ಆಪನ್ನತದ್. ಕೊಡಗ್ಗರ ದೇವಾನುದೇವತೆಯಳ ತೊಟ್ಟಿತ್, ಪ್ರಕರ್ತಿ ಬೋಜತ್ನ ತೊಟ್ಟಿತ್, ಕೊಡಗ್ಗರ ಬಾಳ ಬದ್ಕನ ತೊಟ್ಟಿತ್ ಎಳ್ಳೆದ್ನ ಕವನತರ ಗೂಡ್ ಇದ್.

ನಾಡ ಈ ಕವನ ಗೂಡ್ನ ಬೊಳಿ ಪಡ್ತಿಯಂಡುಳ್ಳ ಕರ್ನಾಟಕ ಕೊಡವ ಸಾಹಿತ್ಯ ಅಕಾಡೆಮಿಕೂ, ನಾಡ ಎಳ್ಳೆಕ್ ಒತ್ತಾಸೆ ತಂದಂಡುಳ್ಳ ಎಲ್ಲಾ ಅಭಿಮಾನಿಯಕೂ ನಾಡ ಆತ್ಮೀಯ ವಂದನೆ.

ಅಮ್ಮಣಿಚಂಡ ಪ್ರವೀಣ್ ಚಂಗಪ್ಪ

ಕೊಟ್ಟೊಳಿ.

ಒಳ್ಳೆಪಾಳೆಲ್...

1.	ಜೋಮಾಲೆ	1
2.	ಶ್ರೀ ಕಾವೇರಿ ಮಾತೆ	2
3.	ತುದಿಕನೆಂಗ...	3
4.	ಐನ್‌ಮನೆ ಈ ಕೊಡಗ್	4
5.	ಗುರು-ಕಾರೋಣ	5
6.	ಶ್ರೀ ಇಗ್ಗುತ್ತಪ್ಪ	6
7.	ಹರದಾಸಂಡ ಗೇನತ್	7
8.	ಪಾಡಿರ ಮಣ್ಣಿದ್	8
9.	ತಾಮನೆ ಋಣ	9
10.	ಕೊಡಗ್ ತಾಮನೆ	10
11.	ಓ ಕುಂಞಿ	11
12.	ಚಾಯಿ ನೇರಾ	12
13.	ತಾಮನೆರ ಮೊಟ್ಟ್	13
14.	ಪುಟ್ಟ್ನ ಮನೆ	14
15.	ಬಾರಿ ಬೆಂದ್‌ಕಳೆ	15
16.	ತೆಳ್‌ಚತ್ ಭೂದೇವಿ	16
17.	ಕಡೆಗಾಲಕ್ ದಾರ್	17
18.	ಬಂದ್‌ಲೆ ಮೋಂವೊ	18
19.	ಈ ಜಬ್ಬುಮಿ	19
20.	ಕವುಂಜಿತ್ ಕಾರ್ಮೋಡ	20
21.	ಮಾತಾಯಿರ ವರ	21
22.	ಈ ಕೊಡಗ್	22
23.	ಎನ್ನನೆ ಆಯಿ ಪೋಚಿ !	23
24.	ಪೆತ್ತವ್ವ	24
25.	ಮರಂದ್‌ರತಿ ಪೊಮ್ಮ ಕ್ಕಳೆ	25
26.	ಜೂವ ಮಾಡ್ ಕುಂಞಿ	26
27.	ತಾಮನೆಲಿರಣೆ	27
28.	ಕುಂಞಿಕ್ ಪಾಟ್	28

ಒಳ್ಳೆಪಾಳೆಲ್...

29.	ಮಳೆಪಾತೆ	29
30.	ಎಲ್ಲಾ ನಕಲಿ	30
31.	ಗೋಳಾರ ಬಾಳ್	31
32.	ನಾಡ ತಂಗೆಕ್	32
33.	ತಂಗಿ ನೀ ಕೇಳ್	33
34.	ಗಂಗಾ ಪೂಜೆ	34
35.	ನೀನಿಲ್ಲತ ಜೀವ	35
36.	ಬಾ ತಂಗೆ ತಾಮನೆಕ್	36
37.	ನಂಗಡ ಕೊಡಗ್	37
38.	ಒಂದಾಯಿ ನಯಿಕನ	38
39.	ಕಾಡ್ ಪಂದಿ	39
40.	ಚಂಗ್ರಾಂದಿಕ್ ಮನೆಕ್ ಬಾ	40
41.	ನಾಡ ಮೊಮ್ಮ ನೀನೆ	41
42.	ಶ್ರೀ ಕುಲದೇವಿ	42
43.	ತೂಕೊರಡಿಲ್	43
44.	ಈ ಬದ್‌ಕ್	44
45.	ಗೇನ ಬಾತ್	45
46.	ಮೋಂವೊ ಎಲ್ಲಿಯಾ?	46
47.	ಜಿಮ್ಮಿ ಅಣ್ಣಂಗಾಯಿತ್	47
48.	ತಾಮನೆಕ್ ಬಾ ಮೋವಾ	48
49.	ಇದ್ ಏದ್ ನ್ಯಾಯ?	49
50.	ಪುಣ್ಯ ಕೊಡಗ್	50
51.	ಬಾಳುವೊ... ಎನ್ನನೆ ?	51
52.	ಪಾಕುಂಇ ಆಪಾಸೆ	52
53.	ನಾಡ್‌ಕೆಂತ ಮಾಡಿತ್?	53
54.	ಪೊನ್ನ ನಾಡ್	54
55.	ಪುಟ್ಟಿಂಗ್ ಕಣ್ಣೇರ್	55
56.	ಜಮ್ಮ ನಾಡ್	56
57.	ನಾಡ್ ಕೆಟ್ಟನಾ	57

ಚೋಮಾಲೆ

ಗೌರಿಸುತ ಗಜಮುಕಂಗ್ ಗರಿಕೆರ ಮಾಲೆ
ಶ್ರೀ ಮಾತೆ ಕಾವೇರಿಕ್ ಕಣಿ ಪೂವಾರ ಮಾಲೆ
ಮಾಗುರು ಇಗ್ಗುತಪ್ಪಂಗ್ ಚಪ್ಪಯ್ಯ ಮಾಲೆ||
ಶ್ರೀ ಪಾಷಣ ಮೂರ್ತಿಕ್ ತುಳಸಿರ ಮಾಲೆ.

ಬೋಟೆಕಾರ ಅಯ್ಯಪ್ಪಂಗ್ ಕಾಡ್ ಚಾಂದಾರ ಮಾಲೆ
ವನದೇವಿರ ತಣ್ಣಪ್ಪಾಕ್ ತಂಗಾಳಿ ಮಾಲೆ
ಸಿರಿದೇವಿರ ಪಾದಕ್ ಯಾಲಕ್ಕಿ ಮಾಲೆ||
ಮುತ್ತೈದೆ ಪೊಂಗಕ್ ಮಲ್ಲಿಗೆ ಮಾಲೆ

ಚುಮ್ಮಿ ಮಕ್ಕಡ ಜಡೆಕ್ ಕನಕಾಂಬರ ಮಾಲೆ
ಭೂದೇವಿರ ತಣ್ಣಪ್ಪಾಕ್ ಮಳೆತುಳಿರ ಮಾಲೆ
ಪೊಡೆ ಪೋನ ಕದ್‌ಗೇನೆಕ್ ನೆಲ್ಲಾರ ಮಾಲೆ||
ಎತ್ತ್ ಕಡ್‌ಚಿರ ಚಂಗ್‌ಲ್ ಗಂಟೆ ಮಣಿ ಮಾಲೆ

ಪೂ ಬುಟ್ಟು ಮರಕ್ ಪಣ್ಣ್ ಫಲತಾರ ಮಾಲೆ
ಪೊಂಗಡ ಚಿಂಗಾರಕ್ ಪೊನ್ನಾರ ಮಾಲೆ
ಪುತ್ತಂಗರ್ತಿರ ಚಂಗ್‌ಕ್ ಪತ್ತಾಕ್ ಮುತ್ತಾರ ಮಾಲೆ||
ಮಾಜನಡ ಕೈಕ್ ನಾಡ ಈ 'ಚೋಮಾಲೆ'

ಶ್ರೀ ಕಾವೇರಿ ಮಾತೆ

ಶ್ರೀ ಕಾವೇರಿಯೇ, ಲೋಪಾಮುದ್ರೆಯೇ, ದಕ್ಷಿಣ ಗಂಗೆಯೆ
ಬ್ರಹ್ಮದೇವಂಗ್ ವರಮೋವಳಾನ ಲೋಕೋಪಕಾರಿಯೆ
ಕನ್ನಿಕೆ ಸುಜೋತಿಯಡ ಸಂಗಮತ್ ಕೂಡ್‌ನ ಗುಪ್ತಗಾಮಿನಿಯೆ
ಬಲಂಬೇರಿ ಕ್ಷೇತ್ರತ್‌ನ ಪಾವನ ಮಾಡ್‌ನ ಪಾಪನಾಶಿನಿಯೆ ||

ತೊಲೆಯಾರ್ ಚಂಗ್ರಾಂದಿಕ್ ಜಲರೂಪತ್ ಉಕ್ಕೊ ಗಂಗೆರವ್ವನೆ
ಸುಗುಣ ಗುಣವತಿ ಅಗಸ್ತ್ಯ ಮುನಿಸತಿ ಕವೇರಂಡ ಕೊದಿ ಮೋವ ನಿ
ಪರಿವ ನೆಲತ್‌ನ ಪೊಲತುವ ತಾಯೆ ಕೊಡಗ್‌ರ ಕುಲಮಾತೆ ನಿ
ಜಯದೇವಿ ಜಗನ್ಮಾತೆ ಜಯಭದ್ರೇ ದೇವರ್ಷಿ ಪೂಜ್ಯೇ ವಿಮಲೆ ||

ನಿತ್ಯ ಹರೀಶ ದ್ರುಹಿಣಿ ಸ್ವರೂಪೆ ನಿತ್ಯೇ ಜಗನ್ಮಂಗಳ ದಾನ ಶೀಲೆ
ಮೋಕ್ಷ ಕಿಯೋಪಾಸಿತ ಪಾದಪದ್ಮ ಭಕ್ತಾನುಕಂಪೇ ಭಾಗ್ಯ ಲಕ್ಷ್ಮಿ.
ಓಂಕಾರನಾದನಿಯೇ, ಔದಾರ್ಯ ಗುಣ ನಿರ್ದಿಷ್ಟಾಯೆ ಮೋಕ್ಷ ಪ್ರದಾಯಿನಿಯಿ
ಸಮಸ್ತ ಲೋಕೋತ್ತಮ ತೀರ್ಥ ಮಾತೆ ದಕ್ಷಿಣ ದೇಶ ಗಂಗೆಯೇ||

ತುದಿಕನೆಂಗ...

ಬ್ರಹ್ಮಕುವರಿಯೇ ಕವೇರ ಪುತ್ರಿಯೇ
ಲೋಕೋಪಕಾರಿ ಪಾಪನಾಶಿನಿಯೇ
ತೀರ್ಥರೂಪಿಣಿ ದೇವಿ ಜಗನಾತ್ಮೆ ||

ಬಾಂಗಿ ನಿಂದ್ ತುದಿಕನೆಂಗ ಕಾವೇರಮ್ಮನಾ
ಚಾಂದ್ ಮಾಲೆ ಪೂಕೊಯಿತಾ,
ಕೆಜ್ಜ ಪಾಪ ಮಾಜಿ ಪೊಡ್ಂದ್ ||

ನೆಲ್ಲಕ್ಕಿಲ್ ತೂಕಾರಡಿಲ್,
ಕನ್ನಿ ಕಂಬಕ್ ತಾಂಗಿ ನಿಂದ್
ಮನುಷ್ಯ ಕೆಜ್ಜ ಪಾವತ್‌ನ
ನಾಶ ಮಾಡ್ ತಾಯಿಂದೆಣ್ಣೆ ||

ಮಂದ್ ಮನೆರ ನಾಡಲೆಲ್ಲಾ,
ತಟ್ತ್ಯ ತಡೆಯು ಬರತನ್ನೆ
ತೀರ್ಥ ಕುಳಿರ ಬಾಗ್ಯತೇರ
ಮಕ್ಕಕೆಲ್ಲಾ ಕೊಟ್ಟಡ್ಂದೆಣ್ಣೆ
ಒತ್ತೋರ್ಮೆ ನೋಡ್‌ನ ನಾಡಲ್
ಪಡೆಬೀರ ಕೊಡವಡಾ ಕೇಳಿರ
ಗಂಗೇರವ್ವ ತಣ್‌ಪಾಲ್ ಪರಿವ
ಮೂಂದ್ ದೇವಿ ಸಂಗಮತಿಂದ್
ಬಾಂಗಿ ನಿಂದ್ ತುದಿಕನೆಂಗ||

ಐನ್‌ಮನೆ ಈ ಕೊಡಗ್

ಇಗ್ಗುತ್ತಪ್ಪ ನಿಂದ ಮಂದಿದ್ ತಕ್ಕಾಮೆ ನಡ್‌ತನ
ಕಾವೇರಮ್ಮೆ ಪರಿವ ಮಣ್ಣಿದ್ ಒಕ್ಕಾಮೆ ನಡ್‌ತನ
ತೇನ್ ಪುಳಿರ ಮಣ್ಣಿದ್
ಕಲಿಯ ಪೊರ್ಂದ ಕೊಡಗಿದ್ ||ಇಗ್ಗುತ್ತಪ್ಪನಿಂದ||

ಪಡೆ ಬೀರಂಗ ಪಡೆಪೊತ್ತ್ ಚೋರೆ ಚೆಲ್ವನ ನಾಡಿದ್
ಪೆತ್ತ ಅವ್ವೊ ಜೂಕಿ ಚಾಕ್‌ವ ವೀರ ಮಣಿಯಡ ತೊಟ್ಟಿದ್
ಭಾರತಾಂಬೆರ ನಾಡಿದ್
ಕೊಡವಾಮೆರ ಕೊಡಗಿದ್ ||ಇಗ್ಗುತ್ತಪ್ಪನಿಂದ||

ಕಾಫಿ, ಯಾಲ, ಮಳು, ಪುಳಿರ, ತೇನ್ ಚೋದ್‌ರ ತಾಮನೆ|
ನೆಲ್ಲ್ ಪಿಲ್ಲ್ ಬನಕಾಡ್‌ರ ಹಾಕಿ ಕಳಿರ ಬಾಮನೆ
ನುಪ್ಪತಂಜಿ ನಾಡ್ ಮೇಂಗ್‌ನ
ಕೊಡಗೆಣ್ಣೆವ ಐನ್‌ಮನೆ ||ಇಗ್ಗುತ್ತಪ್ಪನಿಂದ||

ಗುರು-ಕಾರೋಣ

ಮುಟ್ಟೂರಿ ತುದಿಕನ ನಂಗ
ನಂಗಡ ಕುಲದೇವನ
ಭಗವತಿ ದೇವಿಯು ನೀನೆ
ಶಂಭೋ ಶಂಕರ ಹರನು ನೀನೆ
ಎಂಗಳೆಲ್ಲಾ ಕಾಪಾಡುವ
ಮಾಗುರು ಕಾರೋಣ ನೀನೇ||

ಕಣ್ಣ್ ಕ್ ಕಾಂಗತ ಗುರುವೆ
ಕೈಕ್ ಕ್ ಕಟ್ಟಿತ ಗುರುವೆ
ತಾನಿಂದ ಸ್ಥಾನತಿಂಜೆ
ಕೈ ಎಡ್ತ್ ಕಾಪಾಡುವ || ಮುಟ್ಟೂರಿ ತುದಿಕನ||

ನಂಗೆಲ್ಲಾ ಪೊರ್ಂದ ಮಣ್ಣ್ಲಾ
ತಪ್ಪು ನೆಪ್ಪು ಎನ್ನುಂಡೇಂಗೂ
ಅದ್ನೆಲ್ಲ ತಿದ್ದಿ ನೀನ್
ಕಾಪಾಡುವ ಗುರು ಕಾರೋಣ ನೀನೆ
ಮುಟ್ಟೂರಿ ತುದಿಕನ||

ಶ್ರೀ ಇಗ್ಗುತಪ್ಪ

ಶ್ರೀ ಇಗ್ಗುತಪ್ಪ, ಪೊನ್ನಾತಪ್ಪ
ನೀಡ ದಯತಾಲಪ್ಪ
ತೆಡ್ ಮಳೆಯು ಜೋರ್ಲ್ ಬಪ್ಪ
ಪೊಮ್ಮಾಲೆ ತಣ್ಪಾಯಿತಿಪ್ಪ || ಶ್ರೀ ಇಗ್ಗುತಪ್ಪ||

ನಾಡ್ ಜನ ನಿನ್ನ ಒಂದಾಯಿ ತೊತ್ತವ
ಬಾನ್ ಕರ್ಪಾಯಿತ್ ಬಪ್ಪಿಯ
ಉಂಬ ಕೂಳ್ಕ್ ಮೊಳಿಯಾಯಿಯ
ಭಕ್ತಿಲ್ ಮೊಟ್ಟೂರಿ ನಿಂದ
ನಂಗಳ ಕಾಪಾಡಪ್ಪ || ಶ್ರೀ ಇಗ್ಗುತಪ್ಪ||

ಪಾಡಿ ಪೇರೂರ್ ನೆಲಜಿ ಬನತಾರ
ಮಲ್ಮ ಕುಂದಾಲ್ ನೀ ನಿಂದಿಯಾ
ಅಂಜಿ ಮಕ್ಕಕ್ ಪೆರಿಯಂವೊನಾಯಿ
ಮುಂಬಾಲ್ ನೀ ನಿಂದಿಯ
ಕಲಾಡ್ಡತ್ ನಿನ್ನ ಕೊಂಡಾಡಿ
ಅಂಬಲ ಕಳ ದುಂಬ ಆಡಿ
ನಿನ್ನ ತುದಿಪ || ಶ್ರೀ ಇಗ್ಗುತಪ್ಪ||

ಹರದಾಸಂಡ ಗೇನತ್

ಪೊಮ್ಮಾಲೆ ಕೊಡಗ್ಗರ ಕಡಿಯತ್ತನಾಡ್
ಕಿರ್ಂದಾಡ್ ಗ್ರಾಮತ ಅಪ್ಪನೆರವಂಡ ಒಕ್ಕ
ಕಾವೇರಮ್ಮರ ನಾಡ್ಲಾ ಪುಟ್ಟಿತ್
ಪೆದ ಎಡ್ತ ಕವಿ ಅಪ್ಪನೆರವಂಡ ಅಪ್ಪಚ್ಚ||

ಕೊಡಗ್ಗರ ಕಾಳಿದಾಸ ಮಾಕವಿಯಾಯಿತ್
ಪ್ರಪಂಚ ಇಡೀ ಓಡಾಡಿ, ಇಲ್ಲತ ಲೋಕತ್ ತೇಲಾಡಿ
ಭಾವನೆರಾಳಕ್ಳಿಂಜಿ 4 ನಾಟಕ ಎಳ್ದಾವಕ
ಮೊಳಿಯಾಚಿ ಸಾಹಿತ್ಯ ಕೊಡವಡ ಭಾಷೆಲ್||

ಪುಡ್ಚತ್ ಜನಕ್ ನಾಟಕ-ಪಾಟ್ರ ಪ್ರಾಸ
ಓದುವಕ್ ಮನಸ್ಸೊರಾಳತ್ ಅದೆಂತೊ ಕುಷಿ
ತೇಡ್ವಕ್ಳಂಜತ್ ಜನ, ಎಳ್ದಾನ ಮಹಾಶಯನ
ಬೋಡ್ಚಿ ಎಳ್ದೋರ್ ಅಯಿಂಗಡ ಜೀವನ||

ಮೆಚ್ಚಿ ಜನ ಅಯಿಂಗಡ ಹಠತ್ನ
ಅರ್ಂಜತ್ ನಾಡ್ ಅಯಿಂಗ ಮಾಡ್ನ ಸಾಧನೆನ
ಮಾಜನ ಕೊಡ್ತತ್ ಅಯಿಂಡ ಪೆದಕೋರ್ ಬಿರ್ದ್
ಬೊಳ್ಂದ್ ನಿಂದಿತ್ ಇಂದೆಕೂ 'ಹರದಾಸ' ನಾಯಿತ್||

ಪಾಡಿರ ಮಣ್ಣೆದ್

ಪಾಡಿರ ಮಣ್ಣೆಲ್ ಮೊಟ್ಟೂರಿ ಪಾಡುವ ಪೂಮಾಲೆ ನಾಡ್ಕಾರ
ಕಾವೇರಿ ತಣ್ಪೆಲ್ ಕೈತೊತ್ತ್ ಬೋಡುವ ಕುಡುಮಲೆ ಕೊಡಗ್ಕಾರ
ಮಳೆನೀರ್, ಪೊಳೆನೀರ್, ಕೆರೆನೀರ್ಂದಿಂಜಕೊ ಮುಂದಾನ ಕೊಡಗ್ ಒಂದೇ||

ನಾಲ್ನಾಡ್ ಮಲ್ಮತ್, ತುಂಬೆ ಮಲೆ ತಣ್ಪುರ ಮೇಕೋಟೆರ ಮಂದಿದ್
ಪಡೆ ಪೋಯಿತ್ ದೇಶಕಾತ ಪಡೆಯಾಳಿಯ ಪೊರ್ಂದ ತೊಟ್ಟಿದ್
ನೀಡ ದಯ ಉಂಡೇಂಗಿ ಕರ್ಪಾಯಿತ್ ಬಾನ್ ಜಡಿಮಳೆಯು ನಾಡ್ ದುಂಬ
ಉಂಬ ಕೂಳ್ಕ್ ಉತ್ತ್, ಬಿತ್ತನೊ ಇಟ್ಟಿತ್ ಪುದಿಯಕ್ಕಿಲ್ ಪೂಜಿ ತಂದ್||

ಉಕ್ಕಿ ಮರಿವಳದೇವಿ, ತಿಂಗ ತೊಲಿಯಾರ್ಲ್ ಕುಂಡಿಕೆಲ್ ತೀರ್ಥ ಆಯಿತ್
ಭಕ್ತಜನ ಅಂದ್ ಪುಣ್ಯಕುಳಿ ಕುಳಚಿತ್ ನೆನತುವ ಓ ಮಾತೆಯೆ
ಬ್ರಹ್ಮಂಡ ವರಮೋವ, ಕವೆರಂಡ ಕೊದಿ ಮೋವ, ಅಗಸ್ತ್ಯಿಂಗ್ ಪೊಣ್ಣಾನವ
ನೆಲ್ಲಕ್ಕಿ ಬಾಡೆಲ್ ಕಣಿ ಅಂದ್ ಪೂಜಿತ್ ಮೊಟ್ಟೂರಿ ಅಡ್ಡ ಬುದ್ಧ್
||ಪಾಡಿರ ಮಣ್ಣೆಲ್ ಮೊಟ್ಟೂರಿ ಪಾಡುವ ||

ತಾಮನೆ ಋಣ

ಪೆತ್ತ ಅವ್ವನ ಮರಂದ್ ಮನೆ ಮೊಟ್ಟ್ ಇಳ್ಳಂಜಂದೆ
ತೇಂದತ್ ತಾಮನೆ ಋಣ
ಕೊದಿಕಾರ ವಡಿಯಂಡ ಕೈಪುಡ್ ಚಿ ನಡ್ ದಂದೆ
ನಂದಾಡ್ ಬಾಕೆ ಮನೆ ||ಪೆತ್ತ ಅವ್ವನ ಮರಂದ್||

ಮಣ್ಣಾಕು ಕೈಯೈಲ್ಲ, ಮಾಚೋಕು ಮೇಲೆಲ್ಲಾ
ಎಂದೆಣ್ಣೆ ದಿನ ಕಯಿಕತೆ
ಬಡತನ ಸಿರಿತನ ದಂಡುಂಡ್ ಜೊತೆಲ್
ನೈಪುರ ಸಿರಿತನ ಬಾಳಿರಣೆ ||ಪೆತ್ತ ಅವ್ವನ ಮರಂದ್||

ನಾಡೊಡಿಯ ಕುಡಿಕಾರ, ಎಲ್ಲಿ ಇಲ್ಲತ ಚೆಡಿಕಾರ
ಎಂದೆಣ್ಣೆ ತಾಮನೆಕ್ ಬೆಮ್ಮರಿಯಂಡ
ಕಯಿಪು ಮೊವ್ ಪಾರ ಈ ದಂಡ್ ದಿನತ್
ದಾರುಂಡ್ ಜಗತ್ ಸುಖವಾಯಿತ್ ||ಪೆತ್ತ ಅವ್ವನ ಮರಂದ್||

ತಾಮನೆರ ಕೇಳಿನ, ಬಾಮನೆಲ್ ಮೆರಿಯಂಡು
ಪೆತ್ತ ಅಪ್ಪವಂಗ್ ಕೇಳಿ ಬರಡ್
ಕಾಲ ಪರ್ಂದನೆ ಮುರ್ ಪೋಲೆ ಮಕ್ಕಾಯಿ
ಮುಂದ್ ಮನೆರವ್ವ ನೀನಾಂಡು ||ಪೆತ್ತ ಅವ್ವನ ಮರಂದ್||

ತಾಮನೆ ಕೊಡಗ್

ಪ್ರೊಮ್ಮಾಲೆ ಕೊಡಗ್ ರ ಬನಕಾಡ್ ಚಾಯಿಯೋ
ಪುತ್ತಂಗರ್ತಿ ಮೊಮ್ಮಂಡ ನಡುಪುಡಿ ಚಾಯಿಯೋ
ಮುಂದ್ ಮನೆ ಕಂಡ ಪೊಣ್ಣ್ ಮನ ಚೋತತೊ|
ಮುಸ್ಕೊಲಿ ನೀಕಣೆ ಮೊಮ್ಮ ಇಗಾಣ್ ಚಿಟ್ಟತೊ||

ಎಲ್ಲಿ ಮೊಮ್ಮ ನೀಡ ತಾಮನೆ
ಎಲ್ಲಿ ಉಂಡ್ ನೀಡ ತಾಮನೆ

ಮರೆನಾಡ್ ಮರಸೆರೆಯ, ಪಾತೂರ ಪೊಳೆಕೆರೆಯಾ
ಗುಬ್ಬಚ್ಚಿ ಗೀಚೆಯಡ ಸದ್ ಕೇಪ ನೋಟ್
ಅದೇ ಬಾವ ನಾಡ ತಾಮನೆ
ಎಲ್ಲಿ ಮಮ್ಮ ನೀಡ ತಾಮನೆ||

ಕುಂದ್ ಪತ್ತಿ ಪೋಂಡು, ಪೊಳೆನ ಮೀಂದಿ ಪೋಂಡು
ಕಕ್ಕಟ್ ಕೆಟ್ಪನೋರ್ ಮನೆ ಕಾಂಬ ನೋಟ್
ಅದೇ ಬಾವ ನಾಡ ತಾಮನೆ
ಎಲ್ಲಿ ಮೊಮ್ಮ ನೀಡ ತಾಮನೆ||

ಮುಂದಾನ ಮನೆರೊಳ್‌ಲ್ ಪೊಮ್ಮಕ್ಕಡ ತೆಳಿ ಸದ್
ತೊಟ್ಟ್‌ಲ್ ಪಾಕುಂಞಿಯಡ ಮೊರೆ ಕೇಪ ನೋಟ್
ಮುಂದಾನ ಕೊಡಗೇ ತಾಮನೆ ನಾಡ
ಎಲ್ಲಿ ಮೊಮ್ಮ ನೀಡ ತಾಮನೆ||

ಓ... ಕುಂಞಿ...

ಓ ಕುಂಞಿಯೇ, ಪಾಕುಂಞಿಯೇ
ಚಂದೂಕತ್ ಬೆಚ್ಚಂತ ಮುತ್ತ ಮಣಿಯೆ
ನೀಡ ಕಳಿ ತೆಳಿಲ್ ಆಸೆಯೇ ಇರಡ್
ನೀಡ ಪಾಮುಡ್ಲ ಪೊಲಡ್ ಈ ನಾಡ್
ನಾಡ ಉಸರ್ ನೀನಾಯಿ ನಂದಾಡ್ ಬಾಳ್ ಪೂವಾಯಿ||

ತೊಟ್ಟಾರ ಪಾಕುಂಞಿ ನೀಕ್ ಪಾಮುತ್ತ ತಂದ
ಕಣ್ಣರ ಕಾಡಿಯತ್ ಕಂಡ ನೂರಟ್ಟ ಆಸೆನುಂಡ್
ಕೈಲುಳ್ಳ ಬಳಿ ಸದ್ ಸಂಗೀತ ತಾಳಕ್ ಮದ್
ನೀ ತೆಳಚ ತೆಳಿರ ಗುಟ್ಟ ಓಓಓ ಆಚಿಲ್ಲಿ ರಾಗತ ಪಾಟ್
ತೇನ್ ಸ್ವರತರ ನೀಡ ತಕ್ಕ ದುಂಬಡ್ ಮನೆರ ನಾಲ್ ದಿಕ್ಕ
ಕಾಗೆಚ್ಚೆ ಸದ್ಲರ ನೀಡ ನಡತೆ ಶೃತಿ ಆಯಿತಿರಡ್ ಈ ಮನಕ್||

ಮಂದ್ ಮನೆದುಂಬ ನೀಡ ಸ್ವರವೇ ಕೇಪಯಿಂಜತ್
ಅಪ್ಪಅವ್ವಂಡ ನಳತ್ ತೆಳಚಿ ಕುಳಚಂಡಿಂಜಿಯ ನೀನ್
ಪೆತ್ತವ್ವನ ನೆನತಿಯುಂಡ್ ನೀ ಬಾಳ್ ಬಾಮನೆಲಿಂದ್
ಬಂದಂಡ್ ಪೋಯುಂಡ್ ಇರ್ನೀ ಪರ್ಂದ ತಾಮನೆಕೆಂದೂ
ಆಯಿತಿಂಜಿಯ ನೀನಾಡ ಪ್ರಾಣ ಮನತ್ಲೆಕ್ಕೂ ನೀಡ ಗೇನ
ಬೋಂಡ ಕಣ್ಣೀರ್ ನಲ್ಲದಲ್ಲ ಬಾಳ್ ಇಂದೆಕೆ ತೇಂದದಲ್ಲ
||ಓ ಕುಂಞಿಯೇ, ಪಾಕುಂಞಿಯೇ||

ಚಾಯಿ ನೇರಾ

ಎಚ್ಚಕ್ ಚಾಯಿ ಬೈಟ್ ನೇರಾ
ಬಾನ್‌ಲ್ ಸೂರ್ಯ ಮರೆ ಆಪ ನೇರಾ
ತಂಪಾನ ತಂಗಾಳಿ ಬೀಚೋ ನೇರಾ
ಎತ್ತೆಲ್ಲಾ ಕೊಟ್ಟಾಕ್ ಬಪ್ಪ ನೇರಾ
ಪಯ್ಯುಕ್ ಪಿಲ್ಲಾಟ್ಲ್ಯಾ ಕರ್‌ಪ ನೇರಾ
ಚೊಂಬ್‌ಲ್ ಪಾಲ್ ದುಂಬಿ ಉಕ್ಕೊ ನೇರಾ
ಎಚ್ಚಕ್ ಚಾಯಿ||

ಮಕ್ಕೆಲ್ಲಾ ಸ್ಕೂಲ್‌ಂಜಿ ಬಪ್ಪ ನೇರಾ
ಪಕ್ಷಿಯ ಗೂಡ್‌ಕ್ ಪಾರೊ ನೇರಾ
ಪೊಮ್ಮಕ್ಕ ಬಾಡೆಮನೆ ಒಡ್‌ಕೊ ನೇರಾ
ಒಡ್‌ಕಿತ್ ತೆಳ್‌ನೀರ್ ತಳಿಪ ನೇರಾ
ಎಚ್ಚಕ್ ಚಾಯಿ||

ತೂಕ್‌ಕ್ ಬೊಳ್‌ಚ ಬೆಪ್ಪ ನೇರಾ
ಕುಲಮಾತೆ ಮನೆತೇಡಿ ಬಪ್ಪ ನೇರಾ
ಮಾಗುರುನ ಬಾಡೆಲ್ ತುದಿಪ ನೇರಾ
ಒಂದಾಯಿತ್ ಪುದಿಯಕ್ಕಿ ಉಂಬ ನೇರಾ
ಎಚ್ಚಕ್ ಚಾಯಿ||

ತಾಮನೆರ ಮೊಟ್ಟ್

ತಾಮನೆರ ಮೊಟ್ಟ್ ಇಳ್ಂಜಿ ಪೋಪಕ
ಒಂದೆಣ್ಣಾವಿ ಕೇಳ್ ಮೋಳೆ
ಮರಾಂದಾರಾತೆ ನಾಳ್ ಕಯಿಂಜನೆ
ಪೆತ್ತವ್ವ ತಂದ ಬಾಳ್||ತಾಮನೆರ ಮೊಟ್ಟ್||

ಅವ ನೊಂದ್ ತಂದ ಬಾಳ್ಕ್
ಇರಡವ್ವ ಚೆನ್ನ ಕರುಣೆ|
ಮೊರಾಡುವಕ ತಂದ ಆ ಪಾಲ್ಕ್|
ಮಾಡ್ ನೀ ಅವಡ ಸ್ಮರಣೆ ||ತಾಮನೆರ ಮೊಟ್ಟ್||

ಅವ ತಂದ ಕೂಳ್ ವರ್ಪ್
ತೇರುಲೆ ಇರಣೆ ಉಸಾರ್
ಅವ ನೊಂದ್ ಕಟ್ಟಾಲಾನಂದ್
ಇರ್ ನೀ ಅವಡ ಬರಿಲ್ ||ತಾಮನೆರ ಮೊಟ್ಟ್||

ಪೆತ್ತವ್ವಂಡ ಉಸಾರ್ ಇರಣೆಕ್
ನೀ ತಾಮನೆರ ಮೋವ
ಅವ ಮಣ್ಣ್ ಕಾನಂದ್
ತೇಂದತ್ ಆ ಮನೆರ ಋಣ||ತಾಮನೆರ ಮೊಟ್ಟ್||

ಪುಟ್ಟೊನ ಮನೆ

ನಾ ಪೊರೊಂದ ಮನೆ ಒಂದ್
ನಾ ಬಾಳೊನ ಮನೆ ಒಂದ್
ಕಣ್ಣೀರೊರ ಕಥೆ ಇಂದ್
ಎಣ್ಣೆ ಪಾಡುವಿ ಮನ ನೊಂದ್
ಪುಟ್ಟೊಚಿವುರ ಈ ಬಾಳೊಲ್
ತಡಿ ಸೇರುವ ಪುನಃ ಮಣ್ಣಾಕ್
ನೊಂದ್ ಫಲ ಎನ್ನೊ ?

ಕಳೊಚಂಡ್ ತೆಳಿ ತೆಳೊಚಂಡ್
ಕೊಣ್ಂಜಂಡ್ ಆಡಿ ಪಾಡಿಯಂಡ್
ಇಂಜ ಮನೆಲಂದ್ !
ವಣ್ಂಗೊನ ಮರತನ್ನನೆ
ತೇನಿಲ್ಲತ ಎರಿರನ್ನನೆ|
ಬಾಡೊನ ಪೂವ್ ನಾನಿಂದ್ !
||ನಾ ಪೊರೊಂದ ಮನೆ ಒಂದ್||

ಬಾರಿ ಬೆಂದ್‌ಕಳೆ

ಬಂದಿರಾ ಬೆಂದ್‌ಕೆಲ್ಲ ನಾಡ್‌ನ ನೋಟಿರಲ್ಲ
ಪೊಮ್ಮಾಲೆ ಕೊಡಗ್‌ನ ನಡ್‌ಂದಿತ್ ನೋಟೋಕ್
ಬಂದಿರಾ ಬಂದ್‌ಕೆಲ್ಲ ||ಬಂದಿರಾ ಬೆಂದ್‌ಕೆಲ್ಲ||

ಕಾವೇರಿ ಪುಟ್ಟುವದೆಲ್ಲಿ ಬ್ರಹ್ಮಗಿರಿ ಕುಂದ್‌ರಡಿ
ತೊಲೆಯಾರ್ ಚಂಗ್ರಾಂದಿಕ್ ಗಂಗೆಯು ಬಂತಿಪ್ಪ
ಕಾವೇರಿ ಕುಂಡಿಕೆರಲ್ಲಿ ತಲಕಾವೇರಿ ಕುಂಡಿಕೆರಲ್ಲಿ

ಮಲ್ಮ ಕುಂದದ್ ಎಲ್ಲಿ ಇಗ್ಗುತಪ್ಪನಿಂದದ್
ಐವ್ವ ಮಕ್ಕಡಾತ್ ಪೆರಿಯಂವನಿವನೆ
ಅಂಬ್ ಬುಟ್ಟ್ ನಿಂದದ್ ಪಾಡಿ !

ತಡಿಯಂಡ ಮೋಳದ್ ಎಲ್ಲಿ ಪೊಂದೇನ್ ತೂಂಗ್‌ನದೆಲ್ಲಿ
ನಾಲ್‌ನಾಡ್ ಅರಮನೆ ಬಾನ್ ನೋಟುವದ
ಕೈಕಂಬ ಯವಕ ಪಾಡಿರಲ್ಲಿ

ಬಾಂಗಾಡ್ ಬನ ಉಂಡ್ ನಾಡ್‌ಕೋರ್ ಮಂದ್ ಉಂಡ್
ಆಣಾಳ್ ಪೊಣ್ಣಾಳ್ ಮಕ್ಕ ಮರಿ ಒಂದಾಯಿ
ಕೂಡಿ ಆಡುವ ಇಲ್ಲಿ ಪುತ್ತರಿಕ್ ಕೂಡಿ ಆಡುವ ಇಲ್ಲಿ||
||ಬಂದಿರಾ ಬೆಂದ್‌ಕೆಲ್ಲಾ||

ತೆಳಚತ್ ಭೂದೇವಿ

ಭೂದೇವಿ ತೆಳಚತ್ ಮಣ್ಣಾರ ಸ್ಥಿತಿ ಕಂಡ್
ಪಚ್ಚೆ ಬಾಂಗಾಡ್‌ಲ್ ನರಮನುಷ್ಯ
ನೆಲ ಜಲ ನಾಡಾಂದ್ ಎಣ್ಣಾವಾನ ಕೇಟ್
ಭೂದೇವಿ ತೆಳಚತ್||

ನೀಲಕೋಡಿ ಆಕತ್ ಬೋಗಿಯಕ್ ನಿಂದ್
ಬಾಗಿಯ ಇಪ್ಪರ, ಉತ್ತವಂಗೆ ಭೂಮಿಂದ್
ಕಳಿಪ ಕಳಿಕಂಡ್, ಭೂದೇವಿ ತೆಳಚತ್||

ಓರವ್ವಂಡ ಮಕ್ಕಳಾಯಿತ್, ಒರೇ ಮೋಂತೆದಾಯತಿಂಜಂಡ್
ತಕ್ಕ್ ಬಾಕೆ ಇಲ್ಲತೆ ಕತ್ತಿ ತೋಕ್‌ಂದ್
ಓಡಿ ಕಳಿಪಾನ ಕಂಡ್, ಭೂದೇವಿ ತೆಳಚತ್||

ಈ ತೋಟ ನಾಕ್, ಆ ಕರೆ ನಾಕ್
ಈ ಕುರೋಟ್ ನಾಕಿರಡ್, ಆ ಕೊಡಂಗೆ ನೀಕ್‌ಂದ್
ಪಾಲ್‌ಟ್ಟಂಡ್ ಓಡುವಾನ ಕಂಡ್ ಭೂದೇವಿ ತೆಳಚತ್||

ಮೂಂದ್ ದಿನತಾರ ಬದ್‌ಕ್‌ಕ್, ತಾಂಡದಲ್ಲತಾನ ಕೂಟಿ
ಪೋಣ್ಣ್ ಮಕ್ಕ ಮರಿಯಕ್, ಆಂಡು ಆಂಡುಂದ್ ಪೋಕತಿ
ಉಂಬಕಿಂಜಿತೂ ಇಂಇೂ ಆಂಡುಂದೆಣ್ಣ್‌ವಾನ ಕಂಡ್ ಭೂದೇವಿ ತೆಳಚತ್||

ಬಂದ ತೆಡ್ ಮಳೆಕ್, ಬಿರ್‌ಕ್ ಬುಟ್ಟಿತ್ ಭೂಮಿ
ತಂಪಾಚಿ ಕಾಂಜ ನೆಲ, ನೀರ್ ಪಾಲಾಚಿ ಸೊತ್ತ್
ಅಕ್ಕ ಒಕ್ಕುವಿಂಜ ನರಜೀವಿರ ಗತ್ತ್‌ನ ಕಂಡ್ ಭೂದೇವಿ ತೆಳಚತ್||

ಕಡೆಗಾಲಕ್ ದಾರ್ ?

ಒಂದುಳ್ಳೊ ಮೋಂವೋಂದ್ ಮುದ್ದಾಲ್ ಚಾಕಿ
ಮುಪ್ಪ್ ಕಾಲಕ್ ಆನವು ದಾರ್
ಮೊಟ್ಟ್ ಮೊಟ್ಟ್ ಬಗ್ಗಿತ್ ನಡ್ಂದಾಂಗ್
ಆಖೀರ್ ಕಾಲಕ್ ಇಂಜವು ದಾರೊ ||ಒಂದುಳ್ಳೊ||

ಪೊರ್ಂದ ಮಣ್ಣಾರ ಬೀರ್ಯ ನೀಡ ತಡಿಲುಂಡ್
ಮನೆರ ಕೀರ್ತಿ ನೀನ್ ಮನೆ ದೇವ ನೀನ್
ಎಣ್ಣೆಯಂಡಿಂಜದ್ ಎಲ್ಲಾ ವ್ಯರ್ಥ ಆಚಿ
ಬೋರೆ ಮೂಡಿರ ಬಯ್ಯ ಎಣ್ಣೆತೆ ಪೋಚಿ
ಕೊಂಡ ಅಪ್ಪನಾಚಿ ಪುಚ್ಚಿ ||ಒಂದುಳ್ಳೊ||

ಕೊಣ್ಣ ಮಕ್ಕ ಮನೆರ ಪಡಿರನೆಕೆ
ಐನ್ಮನೆ ನಡ್ಪಾರ ಕೊರ್ವಕಾರ
ಪಳೆಯಾಮೆ ಎಲ್ಲಾ ನೀರ್ಲಾ ಆಚಿ
ಆಯಿಮೆ ಕೊಯಿಮೆ ನಡತುವಂವೊನಿಲ್ಲೆ
ಮುಂದಾನ ಮೋಂದಾಯ ಮಣ್ಣಾಕಾಚಿ ||ಒಂದುಳ್ಳೊ||

ಬಂದಾಲೆ ಮೋವ

ಬಪ್ಪಿಂದೆಣ್ಣೆಯ ಮೋಳೆ

ತಿಂಗ ತೊಲಿಯಾರ್ ಕಯಿಂಜಿತ್ ತಾಮನೆಕ್

ಬಪ್ಪಿಂದೆಣ್ಣೆಯ ನೀನ್ ||ಬಪ್ಪಿಂದೆಣ್ಣೆಯ ಮೋಳೆ||

ನೆಲ್ಲಕ್ಕಿಲ್ ಕಣೆಪೂಜೆ ಬೊತ್ತಲ್ ಪುಟ್ತ್ಯಾ ಬೆಚ್ಚಿ

ಚಂಗ್ರಾಂದಿ ಕಯಿಂಜನಕೆ

ಬಪ್ಪಿಂದೆಣ್ಣೆಯ ನೀನ್ ||ಬಪ್ಪಿಂದೆಣ್ಣೆಯ ಮೋಳೆ||

ಬೆಂಗಂಬಿ ಚೋಪ್ಪಾರ ನೀಲ ಬೊಟ್ತ್ಯಾ ಪೊಡಿಯ

ಉಡ್ಡತ್ ಬಂದನೆಕಾಚಿ ಮೋಳೆ

ನೀನ್ ಬಂದನೆಕಾಚಿ ||ಬಪ್ಪಿಂದೆಣ್ಣೆಯ ಮೋಳೆ||

ಬಾಮನೆಲ್ ಪುತ್ತರಿ ನಮ್ಮ ಕಯಿಂಜಿತ್ ತಾಮನೆಕೊಮ್ಮೆ

ಬಪ್ಪಿಂದೆಣ್ಣೆವಳು ಇಲ್ಲೆ ||ಬಪ್ಪಿಂದೆಣ್ಣೆಯ ಮೋಳೆ||

ಓ ಮಾತೆ ಕಾವೇರಮ್ಮ ಬೋಡುವಿ ನಿನ್ನ ಒಮ್ಮೆ

ಪಾಕುಂಞಿನ ಕಂಡಕೊಮ್ಮೆ

ಎಣ್ಣೆ ಬಂತ್ ಪೋಪಕೊಮ್ಮೆ ||ಬಪ್ಪಿಂದೆಣ್ಣೆಯ ಮೋಳೆ||

ಈ ಜಬ್ಬೂಮಿ

ಕೇಕ್ ತೆಕ್ಕ್ ಬಡ್‌ಕ್ ಪಡಿಂಇಾರ್ ನಾಲ್ ದಿಕ್ಕ್
ಪುಟ್ತ್ ಚಾವಾರ ದಂಡ್ ದಿನತಾರ ಬಾಳ್‌ಕ್
ಸಿರಿತನ ಬಡತನ ಮನುಷ್ಯಂಡ ಇಲ್ಲಿ ಬದ್‌ಕ್
ನಾಡ್ ಸುತ್ತಿ ಕಾಂಬಕ ಕೆಜ್ಜ ಪಾಪತ್ ತೇಪದೆಕ್ಕ್||

ಚೆಕ್ಕೆ ಮಾಂಗೇ ಉಪ್ಪುಲಿ ಪಾಬಳ್ಳಿರ ತಡೆಲ್
ಚಾಂದ್ ಬೊಳ್ಳಂದಿ ತಣ್‌ಪಾರ ಸಿರಿದೇವಿರ ಮಡಲ್
ನಳ ಕಾಣತ ಇರ್‌ಟ್ ಕೂಡ್‌ನ ದೇವ ಕಾಡ್‌ರ ನಡುಲ್
ಉಸರೆಡ್‌ಪಕ ತಣ್‌ಪ ಗಾಳಿ ಕೊಟ್ಟವ ನಾಡಲ್||

ತಡಿಯಂಡ ಕುಂದ್ ಸಾಲ್‌ಲ್ ನಿಂದ್ ಆಬರಿ ನೋಟೊಮ್ಮ
ಕಣ್ಣ್ ತುದಿ ಎತ್ತತ ಅಬ್ಬಿರ ನೀರ್ ಸದ್‌ನ ಕೇಳೊಮ್ಮ
ಕೂತ್‌ಟ್ ಜಬ್ಬೂಮಿರ ಕೇಳಿನ ಪೊರನಾಡ್‌ಕ್ ಎಣ್ಣೊಮ್ಮ
ಮಂದ್ ಮಾನಿಲ್ ಕೂಡಿ ಕೊಡವಾಮೆನ ಪಾಡೊಮ್ಮ||

ಮರಾಪದ್ ಬೊಂಡ ನಂಗ ಮಣ್ಣಾರ ಸಿರಿತನ
ಪಣಿ ಕೆಜ್ಜಿ ಉಂಬ ಕೂಳ್‌ಕ್ ನಯಿಚಿ ದೊರಕನ ಬಡತನ
ಬೇರ ಪಡ್‌ವೊದ್ ಬೊಂಡ ಕೊಟ್ಟವ ಕೊಬ್ಬೂಮಿರ ಒಡತನ
ಕಲ್ಲ್ ಕಾವೇರಿ ಪಿಲ್ಲಭೂಮಿ ಇರಣೆಕ್ ಜಬ್ಬೂಮಿ ನಂಗಡದೆ||

ಕವಂಜಿತ್ ಕಾರ್ಮೋಡ

ಕಾರ್ಮೋಡ ಕವಂಜಿ ನಾಡೆಲ್ಲ ಇರಾಟಾಚಿ
ಉದಾಚ ಸೂರ್ಯ ತಣಾಪಾಯಿ ಬಾನ್‌ಲ್ ಮರೆಯಾಚಿ
ತುಳಿತುಳಿ ಇಟ್ಟಂಡ್ ಮಳೆರಾಯ ಬಾತ್
ಕಾಂಜ ನೆಲತನ ತಣಾಪ್ ಮಾಡಿತ್ ಭೂಮಿಲ್ ನಿಂದತ್
||ಕಾರ್ಮೋಡ ಕವಂಜಿತ್||

ಆದರೆ ತಿಂಗತ್ ಆರಿದ್ರ, ಮಳೆ ಪೊಜ್ಜಿ
ತೋಡ್ ಕೊಲ್ಲಿಲ್ ದುಂಬಿ, ಪೊಳೆಯಾಯಿ ಪರ್‌ಂಜತ್
ಬೇಕುಂಬೆ ಒಡ್‌ಂದ್ ಪೋಚಿ, ಬೇಲೆಲ್ಲಾ ನೀರಾಚಿ
ಕೊಯಿಲೆ ಕದಾರ ಚಯಿಪೆ ಮೀನ್ ಆಸೆಲ್ ಪಾರಾಚಿ
||ಕಾರ್ಮೋಡ ಕವಂಜಿತ್||

ಮನೆ ಮಕ್ಕ ಒಂದಾಯಿ ಪಟ್ಟಿಕ್ ಇಳ್‌ಂಜತ್
ಅಲ್ಲಿ ಕಾಯಿನ ಪೊರ್‌ಕಿ ಪೊರ್‌ಕಿ ಬಾಯಿಕ್ ಇಟ್ಟಿತ್
ಎರಕತ ನೀರ್‌ಲ್, ಮನೆಕೆಲ್ಲಾ ನೀರಾಚಿ
ನೆಲ್ಲಕ್ಕಿ ಬಾಡೆಕ್ ತೆಳ್ ನೀರಾಯಿ ನಂದಾನ ಬಾಳಾಚಿ
||ಕಾರ್ಮೋಡ ಕವಂಜಿತ್||

ಮಾತಾಯಿರ ವರ

ಪೆತ್ತವ್ವ ತಂದ ಚುತ್ತೆಕೂಳ್

ಅದಾಲ್ ಕಯಿಚಿ ಬಾಲ್ಯತಾರ ಬಾಳ್

ತೊಟ್ಟಾನ ಜೂಕಿ ಪೆರೆತಂತ್ ಬಲ್ಯವಳಾಕಿತ್

ಪುಟ್ಟಾನ ಮನೆಂಜ ಉಳ್ಳಾಪಿತ್ ಬಾಮನೆಕ್ ಅಯೆಚಿತ್||

ಅಪ್ಪವ್ವ ತಂದ ಮಾರುದ್ದ ಜಡೆಕ್

ಮೊಳಮಾರ್ ಮಲ್ಲಿಗೆ ಚೂಡಿ ನೋಟ್

ಬೈತಲೆ ನಡುವಲ್ ಕುಂಕುಮ ಬೊಟ್ಟ್

ಮಾತಾಯಿ ಕಾವೇರಿರ ವರ ಪಡ್ಂದ||

ಬೆಂಗಂಬಿ ಪೊಡಿಯ ಉಡ್ತ

ಕಯ್ಯಾಲೆ ಮೂಲೆರ ಕನ್ನಡಿ

ಮಿಂಞ ನಿಂದ್ ನೋಟ್

ಅದೇ ಮದಿ ಚಾಯಿ ಪೊಂಗಕ್

ಇದೇ ಕಾವೇರಮ್ಮ ತಂದ ವರ ನಿಂಗಕ್ ||

ಈ ಕೊಡಗ್

ಭೂದೇವಿ ಸೃಷ್ಟಿ ಮಾಡ್‌ನ ಸಿರಿನಾಡ್‌ರ ಈ ಕೊಡಗ್
ಪಣ್ಣ್ ಫಲಕಾಡ್ ಬಾಣೆ ಮಂದ್ ಮಾನಿರ ಈ ಕೊಡಗ್
ಗುಬ್ಬಚ್ಚಿ ಗೀಜೆಯಡ ಪೋಳೆ ಬೊಪೋಳೆಯಡ ಕಳಿಪರ್‌ಂಬ್ ಈ ಕೊಡಗ್
ಮೀಂಗೋತ್ತಿ ಕಿತ್ತೋಳೆ ಕಾನ ಕಾಕೆಯಕ್ ಕೆಲ ಮೇಚಿರ ಈ ಕೊಡಗ್ ||

ಕುಕ್ಕೆ, ಕೆರಂಜಿ, ತಟ್ಟಿ, ವನಲಿ, ತೂರ, ವರ್‌ಪಾರ ಈ ಕೊಡಗ್
ಮಲ್ಮ ಮಲೆ, ಚೋಮಮಲೆ, ಯಾಲಮಲೆ ಇಳಿಚಾರ್‌ರ ಈ ಕೊಡಗ್
ಚುಳ್ಳಂಬೆದ್‌ಕ್ ತಾತೆ ತೆರಮೆ ಚಿಗ್‌ರಿ ಕರಿಯಾನ ಈ ಕೊಡಗ್
ನುಪ್ಪತಂಜಿ ನಾಡ್ ಮೇಂಗ್‌ನ ಕೊಡವಾಮೆರ ಈ ಕೊಡಗ್ ||

ತೇಂಬುಳುರ ಪುಟ್ಟೆರಿಲ್ ದುಂಬ್‌ನ ಮೊದ್‌ರ ಈ ಕೊಡಗ್
ಬಾಂಗಾಡ್ ಬನಕಾಡ್‌ರ ಪಟ್ಟೆ ಚಪ್ಪರ ನಳತಾರ ಈ ಕೊಡಗ್
ಪರಿವ ಕೊಲ್ಲಿ ತೋಡ್ ನೀರ್ ಜಲ ತಣ್‌ಪಾರ ಈ ಕೊಡಗ್
ಉದ್‌ಚ ಸೂರ್ಯಂಡ ಉಷ್ಣ ಕಾತ್‌ರ ಉರಿಬೆದ್‌ರ ಈ ಕೊಡಗ್ ||

ನಲ್ಲಮಳು, ಪಚ್ಚೆಮಳು ಬೊಡ್ಡೆಮಳು ಪರಂಗಿಮಳು ಕಾರತ್‌ರ ಈ ಕೊಡಗ್
ಬಾವ್ ಮೊಮ್ಮ ಮಾಂವ ಮಾಯಿರ, ಅಣ್ಣ, ಅಕ್ಕ, ಅಪ್ಪಯ್ಯ, ತಾಯಿ ಸಂಬಂಧತಾರ
ಇಗ್ಗುತಪ್ಪ ಕಾವೇರಿ ಭಗವತಿ ಅಯ್ಯಪ್ಪ ಪಾಷಣಮೂರ್ತಿರ ಈ ಕೊಡಗ್
ಮಂದ್‌ಮನೆ, ಐನ್‌ಮನೆ, ತಾಮನೆ, ಬಾಮನೆರ ತಂಪಾನ ಈ ಕೊಡಗ್ ||

ಎನ್ನನೆ ಆಯಿಪೋಚಿ

ಲಿಪ್ಪಜ್ಜಪ್ಪಂಡ ಆಕ ತೆಂವ ಜಮ್ಮ ಜಾಗ ಸೊತ್ತ್
ಮಳೆ ನೆಲಿವಾಂದ್ ಕೊಡೆ ಇಟ್ತ್, ಉಪ್ಪಕ್ ಜೋಡಿ ಎತ್ತ್
ಸಾಲ್ ಕೂಟಿ ನೋಟಣೆ ಗಂಟೆ ಅಕ್ಕ ಪತ್ತ್
ಚುಡುವ ಬೆದಾಕ್ ನೇಂಗಿ ಪುಡಿಬುಟ್ಟ್ ಎರಿಲ್ ಅಳ್ತ್||

ಕರೆ ಎರಿಲ್ ಮೆಲ್ಲೆ ಅಳಾಕಣೆ ಕಂಡ
ತೋಡ್ ಅರೂಲ್ ಇಂಡ್
ಸುರಾಲ್ ತೆಕ್ಕಿ ಇಳಿಯಣೆ ನೀರಲ್ ಕಲಂಗ್ಚಿ ಬಂಡ್
ಕೊಟ್ಟೆತೆ ಖಂಡಿಲ್ ಇಂಡ್ ಬೇಜಾರತ್ ಬಾಡ್ಚಿ ದುಂಡ್||

ಉತ್ತಿತೂ ಆಯಿಲೆ ಕೆಲಕ್ ಕಾಲ ಪಟ್ಟಣಿ
ಬಾಳೊಕರಿಯತೆ ಮುಳಾಚಿ ಸಂಸಾರ ದೋಣಿ
ಉಪ್ಪದ್ ಬುಟ್ಟಿತ್ ಇಂಡ್ ಪುಡ್ಚೆತ್ ಎಣ್ಣುವ ಚೊಲ್ಲಾ
ನಾಡ ಮಟ್ಟಿಗೆ ಆಯಿತ್ ಆರಂಬ್ ಇಂದಿಕ್ಕ ಜೆಳ್ಳಾ||

ಪೆತ್ತವ್ವ

ಪೆತ್ತ ಪೊತ್ತ ಚಾಕ್‌ನವ ಬೋಂಡತಾಯೋಚಾ
ಚುತ್ತೆ ತಂತ್ ಮುತ್ತಟ್ಟಿವ ಮೂಲೆಕಾಯೋಚಾ
ಕಣ್ಣಾಕ್ ಭೂಮಿ ಮೀದ, ಪ್ರತ್ಯಕ್ಷ ಕಾಂಬ ದೇವಾ
ಮೊರಾಟಕ ಮುತ್ತ ತಂದ್ ಪಯಿಪುಕ್ ಪಾಲ್ ತಂದ್
ಮಡಾಲ್‌ಟ್ತ್ಯ ತೆಳಾಚಿ ನೊಂದವ ಅಪ್ಪನೆ ||

ಉಸಾರಾಕ್ ಜಿಂವ ತಂದವಳೊ
ಮೊರಾಡಂಡ ಕುಂಞೋಂದ್ ಎಣ್ಣವಳೊ
ಮನಸಾಕ್ ಬುದ್ಧಿ ಎಣ್ಣವಳೊ
ಬಾಳಾಕ್ ಅರ್ಥ ತಂದವಳೊ
ಪ್ರೀತಿ ಪ್ರೇಮತಾರ ಸಿರಿದೇವಿ
ತಾಳೆ ತ್ಯಾಗತಾರ ಮಾದೇವಿ
ತೊಟ್ಟ್ ಜೂಕ್‌ನ ಜಿಂವ
ಭೂಮಿ ಮೀದತಾರ ದೇವ ||

ಪೆರೆ ತದಿಂತ್ ಪಯಿಪಾನ ತಡಾತವ ನಿ
ನೊಂದಂಡ್ ತಬ್ಬಿ ಮೊರಾಟವ ನಿ
ಜೂವಳ ಪಾಟ್ ಪಾಡಾನವ ನಿ
ತೆಳಿಪಕ ಮುತ್ತ ತಂದವ ನಿ
ಮಡಾಲ್‌ಟ್ತ್ಯ ಕೊದಾಚವಳು
ಕೈಲೆಡಾತ್ ಕೊದಿಕೊದಿಲ್ ತೆಳಾಚವಳು
ತೊಟ್ಟ್ ಜೂಕ್‌ನ ಜಿಂವ
ಭೂಮಿ ಮೀದತಾರ ದೇವ ||ಪೆತ್ತ ಪೊತ್ತ||

ಮರಾಂದಾರತಿ ಪೊಮ್ಮಕ್ಕಳೆ

ಅಂದೊಮ್ಮ ಸ್ವಪ್ನತಾ

ಕಂಡ ಕುಲ ಮಾತನಾ

ಎಣ್ಣೆವಕೆಣ್ಣೆಚಿ ಈ ತಕ್ಕನ

ಕೊಡವ ನಾಡಾರ ಪೊಂಗಳೆ

ಕಣ್ಣೆದುಂಬ ಕಪ್ಪಾ ಕಾಡಿಯ

ಬೆಂಗಂಬಿ ಬೊಟ್ಟಾ ಪೊಡಿಯ

ಮಾರುದ್ದ ಪೂ ಚೂಡಿಯ

ನೆಲ್ಲಕ್ಕಿಲ್ ನಿಂತ ಬೋಡಿಯ

ಪೊಮ್ಮಾಲೆಲ್ ಪುಟ್ಟಾನಾಂಗ್

ಉಡ್ಪಿ ಕೊಡವ ಪೊಡಿಯ ||

ಜೂವ ಮಾಡ್ ಕುಂಞಿ

ಕಟ್ಟೊಳೆ ದಾಟತಿರ್ ಮೊಂದಾಯ ನೋಟತಿರ್
ಪುಂಡ್ ಮಾಡತೆ ಕುಂಞಿ ಜೂವಾ ಮಾಡ್ ಜೂಜೂಜೂಜೂ
ಕಾವೇರಮ್ಮೆ ಮಾತಾಯಿ ಬೀರ್ಯ ತಂದ್ ಪೋತುವಾ
ದೇಶಕ್ಕೋರ್ ತೋಣಿಯಾಯಿ ಬಾಳ್ ನೀ ಬೊಳಕಾಯಿ
ದೇಶತ್‌ರ ಋಣಕ್ಕಾಯಿ ಜೂವಾ ಮಾಡ್ ಜೂಜೂಜೂಜೂ
||ಕಟ್ಟೊಳೆ ದಾಟತಿರ್||

ಅಪ್ಪಂಗೋರ್ ನಳವಾಯಿ ಅಪ್ಪಂಗೋರ್ ತಂಡಾಯಿ
ಅಣ್ಣತಂಗೆಡ ಒಕ್ಕತ್ ಮಿತ್ರನಾಯಿ ಬಾಳ್
ನೀತಿ ಭೀತಿ ಬಟ್ಟೆಲ್ ದೇವಂಗೊತ್ತ್ ಬಾಳ್
ದೇವಂಗೊತ್ತ್ ಬಾಳ್ ನೀ ಜೂವಾ ಮಾಡ್ ಜೂಜೂಜೂಜೂ
||ಕಟ್ಟೊಳೆ ದಾಟತಿರ್||

ನಾಡ್‌ಕ್ ನಲ್ಲ ಕೊಡವನಾಯಿ ದೇಶಕೊತ್ತ ಆಳಾಯಿ
ಶತ್ರುಕ್ ಬೊತ್ತತ್ತೆ ಚಾವದೊಂದು ತಪ್ಪುಲೆ
ಕಾವೇರಮ್ಮೆ ಮಾತಾಯಿ ಅಲ್ಲಿ ನೋಟ್
ನಾಡ ಮುತ್ತ್ ಕುಂಞಿ ನೀ ಜೂವಾ ಮಾಡ್ ಜೂಜೂಜೂಜೂ
||ಕಟ್ಟೊಳೆ ದಾಟತಿರ್||

ತಾಮನೆಲಿರಣೆ

ಪೆತ್ತವ್ವ ತಾಮನೆಲಿರಣೆ ಉಸಾರ್ಕ್ ಜಾಗ
ನಂಕ್ ದಾರೂ ಇಲ್ಲೆಂದೆಣ್ಣೆ ನೆನತೋಕೆ ಆಗ ||ಪೆತ್ತವ್ವ||

ಪೆತ್ತಪೊತ್ತ ಚಾಕ್ಚಿ ಕುಂಞಿ ಕುಂಞಿಂದೆಣ್ಣೆ
ಅವಕೆ ತಿಂಬಕಿಲ್ಲತೆ ತಾತ್ ಬೊಣ್ಣೆ ನೈಯಿ
ಮಡಲ್ ತಂದ ಕೂಳ್, ಇಂಜಿಲೆದಲ್ ಕಯಿಪು
ಕಾಲ ಪರಂದಾಕಣೆ ಆಚಿ ಬಾಳ್ ಮುಪ್ಪಾ ||ಪೆತ್ತವ್ವ||

ಮಂಗಲಾಯಿತ್ ಪೊರೊಟಂದ್ ಪರಂದ ನಾಲ್ ತಕ್ಕ
ಮರಂದ್‌ರತೆ ಓ ಮೋಳೆ ತಾಮನೆರ ದಿಕ್ಕ
ನಾನಿಪ್ಪಿ ಈ ಮನೆಲ್ ಉಸಿರ್ ಗಟ್ಟಿ ಇರಣೆ
ನೊಂದಂಡ್ ನೀ ಮಾಡ್ ತಾಮನೆರ ಸ್ಮರಣೆ ||ಪೆತ್ತವ್ವ||

ಕುಂಞಿಕ್ ಪಾಟಾ

ಗುಡುಗುಡು ಜೋಯಿ ಬಾನ್‌ಲ್
ಪಾಚಿ ಕಾಂಜಂಡುಂಡ್ ಕುಡಿಕೇಲ್
ಚಿಟಾಣಿಪುಟ್ತ್ ಬೂಕಿತುಳ್ಳೊ ಓಡ್‌ಲ್
ಜೂಜೂ ಮಾಡ್ ನೀ ತೊಟ್ಪಲ್ ||ಗುಡುಗುಡು||

ಎಣ್ಣೆ ಮಿನಾಕಿತ್ ನಾಡ ಪೊಣ್ಣಾಕ್
ಚೆಂಗಲ್ ಗಾಡ್‌ತ್ ನಂಗ ಕುಳಚಿತ್
ದೃಷ್ಟಿ ಕುರಿ ಇಡುವಿ ನೀಡ ದವಡೆಕ್
ಜೂಜೂ ಮಾಡ್ ನೀ ತೊಟ್ಪಲ್ ||ಗುಡು ಗುಡು||

ಕೋಂಬರೆ ದುಂಬ ದೂಪ ಪೊಗೆಲ್
ಬೆರಂಬುಟ್ತ್ ಇಟ್ಟಿಯೇ ತಟ್ಟೇಲ್
ಕುಮ್ಮೆ ದುಂಬ ಉಂಡಿತ್
ಜೂಜೂ ಮಾಡ್ ನೀ ತೊಟ್ಪಲ್ ||ಗುಡುಗುಡು||

ಒಟ್ಟಿ ದಂಡ್ ನಾ ಚುಟ್ಟಿತ್
ಕಾಪ್‌ಲ್ ಕೋಳಿ ಮುಟ್ಟೆ ಇಟ್ಟಿತ್
ಬರಾತಿತ್ ತಪ್ಪಿ ನಾಡ ಚಿಟ್ಟೆಕ್
ಜೂಜೂ ಮಾಡ್ ನೀ ತೊಟ್ಪಲ್ ||ಗುಡು ಗುಡು||

ಮಳೆಪಾತೆ

ಆಯುಷ್ಯ ಎಳೆದೋಕ್ ಮರ್ಂದ ಆ ಬ್ರಹ್ಮ
ಭೂಮಿಲ್ ಪುಟ್ಟನದ್ ನಾ ಮಾಡ್ನ ಕರ್ಮ
ಚಿಲ್ಂಗ್ ಮಳೆಕ್ ನಾ ಪುಟ್ಟಿ ಪಾರುವಿ
ಈ ಮಣ್ಣ್ ಮೀದತ್ ಒರ್ ಜೀವಿ
ನಾ ದಾರ್ ಗೊತ್ತಾ...?

ಪರ್ಂದ್ ನೆಲತಿಂಜ ಬಪ್ಪ ಸಂತಾನ ಕೋಟಿ
ಪುಟ್ಟಿ ಚಾವಾರ ಬದ್ಕನ ನೋಟಿ
ಬಾನ್ಡಿ ಪಾರಿತ್ ರೆಕ್ಕೆ ಪೊಟ್ಟಿ ಬೂವಿ
ಕೋಳಿಯ ಪಕ್ಕಿಯ ಕೋತಿತ್ ನಾ ಅಕ್ಕ ಚಾವಿ
ನಾ ದಾರ್ ಗೊತ್ತಾ...?

ನಾಲ್ ರೆಕ್ಕೆಲ್ ನಾ ಪಾರಿತ್
ಅರೆ ಕಾಲ್ಲ್ ನಾ ನಡ್ಂದೀತ್
ದಂಡ್ ಮೀಸೆರ ಬಲ್ಯ ಬಂಬ ನಾನ್
ಆಚೇಂಗಿ ದಾರೂ ಬೊತ್ತತ ಬರಿ ಪುಳು ನಾನ್
ನಾ ದಾರ್ ಗೊತ್ತಾ...?

ಒರ್ ದಿನತ್ ಬದ್ಕಕಾಯಿತ್
ಪರ್ಂದ್ ಬಪ್ಪ ಒರ್ ನೇರಕಾಯಿತ್
ನಾ ಮಾಡ್ನ ಅನ್ಯಾಯ ದಾರ್ಕ್
ನಾಕೆನ್ಂಗ್ ಶಾಪ ಈ ನಾಡ ಬಾಳಕ್
ನಾ ದಾರ್ ಗೊತ್ತಾ...?
ನಾನ್ ಮಳೆಪಾತೆ||

ಎಲ್ಲಾ ನಕಲಿ

ಸ್ವಾತಂತ್ರ್ಯ ಎಣ್ಣುವಾಂಡ ಅರ್ಥ ನಾಡ್‌ಲ್ ಆಯಂಡುಂಡ್ ವ್ಯರ್ಥ
ಕೆಲ ಪಯಿಪಂದ್ ಮೊರಾಟಕೊ ಕೇಪದಿಲ್ಲೆ ಕಿವುಡ ಭೂಮಿ
ಅಂಬಲಿ ಕಾಚುವಕ್ ಗಂಜಿ ಇಲ್ಲೆಂಗಿಯೂ
ದಾರು ಇಂಜಿತಿಲ್ಲೆ ಇಂದಾಕಣೆ ಪಟ್ಟಣಿ
ದಾರ್‌ಕ್ ಕ್‌ಟ್ಟಿತೆಣ್ಣೆ ಜಬ್ಬೂಮಿರ ಒಡತನ
ದಾರ್‌ನೊ ಮರ್‌ಂದಿತಿಲ್ಲೆ ಆ ಬಡತನ||

ಆಸೆ ನಿರಾಸೆರ ಬಾಳಾರ ಕಳಿಲ್
ಬರತಿಪ್ಪುಲೆ ಒಮ್ಮೇಂಗಿ ತೆಳಿ
ಪಚ್ಚೆ ಪಟ್ಟಂಡತ್ ಈ ಮಣ್ಣಾರ ಸಿರಿಲ್
ತಿರುವ ಭೂಮಿರ ಮೀದ ಕಾಂಬುಲೆ ಆ ಬರಿ
ಈ ಜಗತ್‌ಲ್ ಏದುಂಡ್ ಎಣ್ಣೆ ಅಮರ
'ಸತ್ಯ' ಒಂದೇ ಉಳ್ಳೊ ಬಾಕಿ ಎಲ್ಲಾ ನಕಲಿ||

ಗೋಳಾರ ಬಾಳಾ

ಪೊಮ್ಮಾಲೆ ತಾಯಿಯೇ ನೋಡ ನಾಡ್‌ಲಾ ಇದ್ ಎನ್ನತೋರ್ ಬಾಳಾ
ಜಮ್ಮನಲೆ ಎಲ್ಲಾ ಬೋರೆ ಪಾಲಾಚಿ, ಎನ್ನತ ಗೋಳಾ ಕೇಳಾ

||ಪೊಮ್ಮಾಲೆ ತಾಯಿಯೇ||

ಅಂವೊ ಮುತ್ತನಾಡ್, ಇಂವೊ ಬೇಂಗ್‌ನಾಡ್, ಅಂವೊ ನಾಲ್ ನಾಡ್‌ಕಾರ||
ಎಂದೆಣ್ಣೆ ಪರವದೆಲ್ಲಾ ದಾರೂ ಎಣ್ಣೆವದಿಲ್ಲೆ ನಂಗ ಕೊಡಗ್‌ಕಾರ||

||ಪೊಮ್ಮಾಲೆ ತಾಯಿಯೇ||

ಅಂದ್ ಯಾಲಮಲೆಯು, ಪುಳಿತೇನ್ ಪಾಡ್, ಇಂದ್ ಎಲ್ಲಿ ಉಂಡ್ ತೇಡ್||
ಆ ತೋಟ ತೊಡಿಯತ್ ಕುರಂಜಿ ಕಾಡಾಯಿತ್ ಎಲ್ಲಾ ಇಂಜಿ ಕಾಂಬಕಾಯಿತ್||

||ಪೊಮ್ಮಾಲೆ ತಾಯಿಯೇ||

ಕೊಂಬ ಮೀಸೆ ಬುಟ್ಟಿ ಅಜ್ಜಪ್ಪಂಗ ಅಳಾಪಿಜಂತ್ ಐಮರತ್||
ಆ ಮನೆಯು ಇಂದಿಕ್ಕ ಮೂಂದ್ ಪಾಲಾಯ್ತಿ, ಐಮರವೇ ಪಾಲಕಾಯ್ತಿ||

||ಪೊಮ್ಮಾಲೆ ತಾಯಿಯೇ||

ಪೆತ್ತ ಚಾಕ್‌ನವು ಮೊರೆ ಪಡೆಲ್ ಬೆಂಜಿ, ನೀಲ ಬಾನ್ ನೋಟಿಯಂಡಾಚಿ||
ಬಾಕೆ ಬಂದ ಪೊಮ್ಮಕ್ಕ ತೆರಕಿ ತೆರಕಿ ಚಾಕ್‌ನವು ಕೊಟ್ಟೊಲಾಚಿ||

||ಪೊಮ್ಮಾಲೆ ತಾಯಿಯೇ||

ನಾಡ ತಂಗೆಕ್

ನಾಡ ಒಂದುಳ್ಳ ತಂಗೆ ಕೇಳ್
ದಂಡ್ ದಿನತಾರ ಈ ಗೋಳ್
ಬೋಂಡ ಬಲ್ಕರಿಕೆ ಬದ್ಕಲ್
ಬಡತನತಾರ ಬಾಳ್ಕಾ ||ನಾಡ ಒಂದುಳ್ಳೊ||

ನೀಡ ಈ ಅಣ್ಣಂಡ
ಮನ ದುಂಬನ ದಂಡ್ ತಕ್ಕ
ಬಾಳ್ ನೀ ಆ ಮನೆಲ್
ಬಾಮನೆರ ಮೋವಳಾಯಿತ್ ||ನಾಡ ಒಂದುಳ್ಳೊ||

ಬಾಕಿ ಮನೆರ ಮೋವಳಾಯಿತ್
ಮನೆ ಮೊಟ್ಟ್ ಪತ್ತನಂದೆ
ಮರಂದ್ ಪೋಕತೆ ತಾಮನೆನಾ
ಪೆತ್ತ ಅವ್ವಂಡ ಉಸಾರಿಣೆ ||ನಾಡ ಒಂದುಳ್ಳೊ||

ಕತ್ತಿಯಂಡಿರಡ್ ನೆಲ್ಲಕ್ಕಿಲ್
ತೂಕ್ ಬೋಳ್ಚ ಎಕ್ಕಲೂ
ನೀಡ ಕುಂಕುಮ ಭಾಗ್ಯಕಾಯಿತ್
ಬೋಡ್ ನೀ ಕುಲ ಮಾತೆನಾ ||ನಾಡ ಒಂದುಳ್ಳೊ||

ತಂಗೆ ನೀ ಕೇಳಾ

ಮುತ್ತಾ ತಂಗೆ ನೀಡ ಮುತ್ತಾರನ್ನತ ಬಾಳಾ
ಗೋಳಾಲೆ ಮುಳಿ ಪೋಚಾ ಇಂದ್ ತೇರ
ಗೋಳಾಲೆ ಮುಳಿ ಪೋಚಾ ಇಂದ್||ಮುತ್ತಾ ತಂಗೆ||
ಎಚ್ಚಕ್ ಐಶ್ವರ್ಯ ತಾಮನೆಲುಂಡೇಂಗಿ
ಬಾಮನೆ ಬಪ್ಪಕ ನೀ ಮರೆಯಾಂಡು ಮೋಳೆ||

ಅಚ್ಚಿ ಪರೆ ನೆಲ್ಲಾ ಕೊಚ್ಚಿಲಳಾಪಕ
ತಕ್ಕಾರ ಮಾಡಿತ್ ನೀ ಕೊಡ್ಕೊಂಡು ಮೋಳೆ
ಅವ್ವ ತಂದೋರ್ ಅಡ್ಡಿಗೆ ಪತ್ತಾಕ್
ಅಳಂದಿತ್ ಬಂಗಾರ ನೀ ಮಾಡತೆ ಮೋಳೆ
ಮನದೇವ ವಡಿಯಂಡ ತಕ್ಕನ ಮೀರತೆ
ಪಾಟಿ ಪರಿವಾನ ನೀ ಕೇಕತೆ ಮೋಳೆ ||

ಮಾಂವಂಗ್ ಮಾಂವಿಕ್ ಬಗ್ಗಿತ್ ನಡ್ಕೊಂಡು
ಅಪ್ಪವ್ವಂಡ ಪೆದ ನೀ ಎಡ್ಕೊಂಡು ಮೋಳೆ
ಬಾಮನೆಕ್ ಕೇಳಿ ಈ ಮೆರಿಯೋಂಡು ||

ಬಾಗಿಯ ಬಪ್ಪಕ ಬಗ್ಗಿತ್ ನಡ್ಕೊಂಡು
ಬಡತನ ಮರ್ಕತೆ ಎಂದೆಂದಿಕೂ ಮೋಳೆ
ಕನ್ನಿ ಕೋಂಬರೆ ಬಾಡೆ ಒಡ್ಕಿತ್
ನೆಲ್ಲಕ್ಕಿಲ್ ಬೊಳಾಚ ನೀ ಬೆಕ್ಕೊಂಡು ಮೋಳೆ
ವಾರಾಂಡೆಕ್ಕೊಮ್ಮ ಕಾವೇರಿ ಕುಳಾಚಿತ್
ಮುತ್ತೈದೆ ಭಾಗ್ಯ ನೀ ಪಡೆಯೋಂಡು ಮೋಳೆ||

ಗಂಗಾ ಪೂಜೆ

ಗಂಗಾ ಪೂಜೆಕ್ ಸಾಲ್ ನಿಂದ ಪೊಂಗಳ ನೋಟರೊ
ಬತ್ತರಿ ಸುತ್ತ ತಾಂಗಿ ನಿಂದ ಬಗೆ ನೋಟರೊ|| ಗಂಗಾ ಪೂಜೆ||
ಬೊಟ್ವ್ ಪೊಡಿಯ ಜಡೆ ಬಿಲ್ವೆ ಇಟ್ಟಿ ಮಂಗಲಕರ್ತಿಯು
ಆಯಿಮೆ-ಕೋಯಿಮೆಅರ್ಂಜಮೊಮ್ಮ ಬೋಜಕರ್ತಿಯು||ಗಂಗಾ ಪೂಜೆ||

ಚೀನಿ ಮೋರಿ ಡೋಳ್ ತಾಳತ ವಾಲಗಕಾರಳೊ
ಪಾಂಬು ಆಟ್ ಆಡಿಯಂಡುಳ್ಳೊ ಕೊರವಕಾರನು
ಏರುವ ಅಟ್ಟಿತ್ ಬಗ್ಗಿ ಪೋನ ಬೀಮಣಿ ಬಾವನು
ಬೊಳ್ಕಾಟ್ಕಾಕ್ ಬಾಂಗಿ ನಿಂದ ಬೋಜಕಾರನು ||ಗಂಗಾ ಪೂಜೆ||

ಕೊಟ್ವಾಕ್ ಆಟ್ ಕುಟ್ಟಿ ಆಡುವೊ ಎಡ್ಡ ಬಾಲರೊ
ಮಮ್ಮ ಡ್ಯಾಡಿಂದೆಣ್ಣಿ ಕಳಿಪ ಕುಂಞಿ ಮಕ್ಕಳೊ
ಬೆಂದು ಊಟಕ್ ತಯಾರ್ ಮಾಡ್ನ ಅಡಿಗೇಕಾರಳೊ
ಒಂದೂ ಬೋಂಡಾಂದ್ ದೂರತಳಾತ ಪಟ್ಟಿದಾರನೊ|| ಗಂಗಾ ಪೂಜೆಕ್||

ನೀ ನಿಲ್ಲತ ಜೀಂವ

ನೀನಿಲ್ಲತ ಈ ಜೀಂವಾ ಚುಡ್ ಬೆದ್‌ಕ್ ಬಾಡ್‌ನ ಪೂವಾಯಿತ್
ಬದ್‌ಕ್‌ರ ಈ ಮನೆಲ್ ಇರ್‌ಟಾಯಿತ್ || ನೀನಿಲ್ಲತ ||

ಮರ್‌ಪುಲೆ ನಾನೆಂದು ನೀ ಕಂಡ ಆ ನೇರ
ಮೂಡ್‌ಲ್ ಪಾಂಜಂತ ಕ್‌ರ್‌ಂದೊಳಿರ ಆ ಬಾರ
ನೀನಿಲ್ಲತ ಮನೆಲ್ ಬೊಳಿ ಕಾಂಬದಿಲ್ಲೆ
ಇರ್‌ಟಾನ ಈ ಮನೆಕ್ ಬೊಳಿ‌ಕಾಯಿ ಬಾ
ಬಾಡ್‌ನ ಈ ತಡಿಕ್ ಮಳೆಯಾಯಿ ಬಾ || ನೀನಿಲ್ಲತ ||

ನೀಡ ಬಟ್ಟೆ ಕಾತ್ ಕಾತ್ ಕಾತಳಾತದೊಂದೇ ಬಂದ
ಕಣ್ಣ್‌ರ ನೀರ್ ಒಣಂಗಿ ವರ್‌ಕಿಲ್ಲತಾಯಿತ್
ಈ ಜೀಂವ ನೀನ್ ಬರತೆ ಚಿಗುರುವುದಿಲ್ಲೆ
ಇರ್‌ಟಾನ ಈ ಮನೆಕ್ ಬೊಳಿ‌ಕಾಯಿ ಬಾ
ಬಾಡ್‌ನ ಈ ತಡಿಕ್ ಮಳೆಯಾಯಿ ಬಾ || ನೀನಿಲ್ಲತ ||

ಬಾ ತಂಗೆ ತಾಮನೆಕ್

ಒಂದುಳ್ಳೊ ತಂಗೆ ನೀ ತಾಮನೆಕ್ ಬಾ ಇಂದ್
ನಾಡ ಒಂದುಳ್ಳೊ ತಂಗೆ ನೀ ತಾಮನೆಕ್ ಬಾ ಇಂದ್
ವೀರ ಸೂರಂಗ ಪುಟ್ಟಿ ಮೆರಂದ
ದೀರ ಬಂಬಂಗ ಬಾಳ್ಳೊನಂದ
ಭವ್ಯ ಭಾರತ ದೇಶತ್‌ರ
ಪುಣ್ಯ ಕೊಡಗ್ ನಾಡ್‌ಕ್ ||ಒಂದುಳ್ಳೊ ತಂಗೆ||

ಕಷ್ಟ-ನಷ್ಟಕ್ ಪೊಳೆಯಾಯಿ
ತಣ್‌ಪ್ ತಪ್ಪಕ್ ಮಳೆಯಾಯಿ
ಇಗ್ಗು ತಪ್ಪನ ನೇತಿ ನಿಂದ
ಕಾವೇರಮ್ಮರ ಜಬ್ಬುಮಿಕ್ || ಒಂದುಳ್ಳೊ ತಂಗೆ||

ತೇನ್ ಪುಳಿ ಮಳು ಕುಂದ್‌ಕಾಡ್‌ರ
ಕಾಫಿ ಯಾಲಮಲೆ ಇಳಿಚಾರ್‌ರ
ಕ್ರೋಡ ದೇಶಾಂದ್ ಪೆದ ಎಡ್‌ತ
ಗಂಗಿರವ್ವಂಡ ಪುಣ್ಯನಾಡ್‌ಕ್ ||ಒಂದುಳ್ಳೊ ತಂಗೆ||

ನಂಗಡ ಕೊಡಗ್

ಬಾಳನ ಬಾಳನ ನಂಗ ಈ ಕೊಡಗ್ಲಾಲ್
ನ್ಯಾಯತ್ ಧರ್ಮತ್ ಎಲ್‌ಂಗನ ನಾಡ್‌ಲ್
ಕಾರ್ಯವು ಧೈರ್ಯವು ನೋಡನ ನಾಡ್‌ಲ್
ಕಾಫಿ ಯಾಲಕ್ ಪೆದಪೋನ ಕೊಡಗ್ಲಾಲ್ ||ಬಾಳನ ಬಾಳನ||

ದಕ್ಷಿಣ ಗಂಗೆsss ಲೋಕೋದ್ಧಾರಕ್
ಕೊಲ್ಲಿ ತೋಡ್‌ಲ್ ನೆಳ್‌ಂಜಂಡ್ ಪರಿವೊ
ಪಾಪಿ ಜನಡ ಪಾಪತ್‌ನ ಕಳೆವೊ
ಗಂಗೆರವ್ವ ತಣ್‌ಪುಲ್ ನಲಿವೊ ||ಬಾಳನ ಬಾಳನ||

ಪಡೆಯಾಳಿಯsss ಪರ್‌ಂದ ಭವ್ಯ ನಾಡ್
ಯಾಲ ಮಳು ಪುಳಿ ಕಾಫಿರ ಗೂಡ್
ತಾಂದಿ-ಮಾಂಗೆರ ಆ ದೇವ ಕಾಡ್
ಮಂದ್ ಮಾನಿರ ಪುಣ್ಯತ ಕೊಡಗ್ || ಬಾಳನ ಬಾಳನ||

ಒಂದಾಯಿ ನಯಿಕನ

ಮಡಿಪಾಳೆರ ಮಡ್‌ಕ್‌ಲುಂಡ್ ಮಡಿಯಾನ ಎಳ್ತ್
ಕೊಡವಾಮೆರ ಆಡಂಭರವೇ ನಂಗಕೋರ್ ಗತ್ತ್
ಸಂಸ್ಕೃತಿರ ಚಪ್ಪರತ್ ಪಬ್ಬಿತ್ತಿಂದೋರ್ ಬಳ್ಳಿ
ಒಂದಾಯಿ ನೈಚಕ ನಾಡ್‌ಕೋರ್ ಕೇಳಿ ||ಮಡಿಪಾಳೆರ||

ಭಾಷೆರ ಬೊಳ್‌ಚೆಕ್ ನಂಗಾಯಿತ್ ಒರ್ ತಿರಿ
ಇರೊಂಡು ಎಂಗಡೆದಲ್ ಬಲವಾನ, ಆ ಗುರಿ
ಮನತುಳ್ಳೊ ಬೋರೆ ಕೆಲಸ ಬೆಚ್ಚಿತ್ ಒರ್ ಬರಿ
ನೆನತಿತ್ ಮಾತೆನ ಬೊಳ್‌ತನ ಕೊಡವ ಸಿರಿ

ಭಾರತತ್ ಭೂಪಟತ್ ಜಬ್ಬೂಮಿರ ಕೇಳಿನ
ಬೊಳತುವೊ ಪುರ್‌ಡ್‌ಲ್ ಏಳಿ ಎದ್ದೇಳಿ
ಗುರುಕಾರಣೋಂಗಳ ನೆನತಿತ್ ಮನತ್
ಕ್‌ಬ್ಬೂಮಿರ ಬಂಬಂಗ ಎಣ್ಣ್‌ವದ್ ಇರಡ್ ಗೇನತ್||

ಚಂಗ್ರಾಂದಿಕ್ ಮನೆಕ್ ಬಾ

ಚೆಂಗ್ರಾಂದಿ ಕಯಿಂಜ ಪಿಂಞ ಮನೆಕ್ ಬಾ ಕುಂಞಿ ನೀನ್
ಶಕ್ತಿ ರೂಪಿಣಿ ಆಯಿ ಕುಲತ್
ಪಾಪ ನಾಶಿನಿ ಆಯಿ ಗುಣತ್
ಎಂದೊ ಕುಲತ್ ಕುಂದ್‌ಲುದ್‌ಚೊ
ಕುಂದ್ ದೇವಿರ ಸ್ಥಾನಕ್ ||ಚಂಗ್ರಾಂದಿ ಕಯಿಂಜ||

ಲೋಕೋದ್ಧಾರಕ್ ಪೊಳೆಯಾಯಿ
ಕಷ್ಟನಷ್ಟಕ್ ಮಳೆಯಾಯಿ
ಇಗ್ಗುತಪ್ಪನ ನೆಲೆ ನಿಂದ
ಕಾವೇರಮ್ಮೆರ ಪುಣ್ಯ ಭೂಮಿಕ್ ||ಚಂಗ್ರಾಂದಿ ಕಯಿಂಜ||

ಕಲ್ ಭೂಮಿಕ್ ಮಳೆಯಾಯಿ
ಪಯಿಪ ಬಾಯಿಕ್ ಕೂಳಾಯಿ
ಮಲ್ಮ ಕುಂದ್‌ಲ್ ನೆಲೆ ನಿಂದ
ಪೊನ್ನಿಗ್ಗುತಪ್ಪಂದ ಪಾಡಿ ಕ್ಷೇತ್ರಕ್ ||ಚಂಗ್ರಾಂದಿ ಕಯಿಂಜ||

ನಾಡ ಮೊಮ್ಮ ನೀನೆ !

ಕಲ್ಲಾಪರ ಓಣಿಕಾಲೆ ಪಿಲ್ಲಾಮುಂಡ ಬರಿಕಾಲೆ
ನಡ್ಂದ್ ಪೋನವ ನೀನ್ ತಾನೆ
ತೆಳ್ಳಚಿ ಓಡಿ ಪೋನವ ನೀನ್ ತಾನೆ
ನನ್ನ ಕಂಡ ಓಣಿಲ್ ಸೆರ್ಗ್ ಮುಚ್ಚಿ ಓಡ್ನ
ಮೊಮ್ಮ ಮೂಡಿ ನೀನ್ ತಾನೆ ನಾಡ ಮೊಮ್ಮ ಮೂಡಿ ನೀನ್ ತಾನೆ||ಕಲ್ಲಾ||

ಕೇಕು.... ಬೋಳಿನ ಕಂಡ್ ಮಡಿಪಾಂದ್ ಕೇಟಿ
ಜಡೆಬಿಲ್ಲೆ ಜಡೆಕ್ ಬೆಚ್ಚಿ ನಡ್ಂದ್ ಪೋನ ಪೊಂಗ ನೀನ್
ಕಾಪ..... ಇಟ್ತ್ ನಡ್ಂದ್ ಕೈಬಳೆನ ಸದ್ನ್ ಮಾಡಿ
ಪೊಮ್ಮಾಲೆ ಕೊಡಗಾರ ಕೊಡವತಿ ಕನ್ನಿ ನೀನ್ ||ಕಲ್ಲಾಪರ||

ಚೆಂಬಿಂದಿಗೆ ಅರೆಲ್ ಬೆಚ್ಚಿ ಚೆಂಡ್‌ರನ್ನೆ ಕೊಂಡೆಯು ಕೆಟ್ಟಿ
ಅಕ್ಕ ಪಕ್ಕ ತಿರಿತ್ ನೋಟಿ ಕಾರ್ಂದೆಳಿ ತೆಳ್ಳಚವ ನೀನ್
ಕಾತ್ ಮಳೆಕ್ ಅನ್‌ಂಗತೆ ನಿಂದ್ ಚುಳ್ಳಾ ಬೆದ್‌ಕ್ ಮಾಂಗತೆ ಬಂದ
ನಾಡ್‌ರ ತೋಟತ್‌ಲ್ ಬೀಂದ ಮಂದಾರ ನೀನ್ ||ಕಲ್ಲಾಪರ||

ಶ್ರೀ ಕುಲದೇವಿ

ಬೋಡುವಿ ನಾ ಮಾಗುರಿಗ್ಗು ತಪ್ಪನಾ
ಬೋಡುವಿ ನಾ ಕುಲಮಾತೆ ಕಾವೇರಿ ನಾ ||

ಈ ನಾಡ್‌ರ ನಲ್ಲಾ ಮೆ
ನಂಗಕುಳ್ಳೊ ಕೋಳರಿಮೆ
ನೀ ಪೊಲತ್ ನಂಗಲೆಲ್ಲಾ
ದಯ ಇರಡ್ ಎಂದೆಂದಿಕೂ
ಬಲ್ಲರಿಕೆ ನಂಕ್ ಬರತಿರಡ್
ಎಂದ್ ತುದಿಪಿನೊ ||ಬೋಡುವಿನಾ||

ಈ ಕಲ್ಲ ಭೂಮಿಲ್
ನಂಗಡ ತಡಿರ ವರ್‌ಪಾಲ್
ಕಯಿಪ್ ವೊವುಪ್ ಮಾಡಿತ್
ಬಾಳೊ ಶಕ್ತಿ ನೀ ತಂತ್
ಒತ್ತೋರ್ಮೆ ಇರಡ್ ನಲ್ಲರಿಮೆ
ಎಂದ್ ತುದಿಪಿನೊ ||ಬೋಡುವಿ ನಾ||

ತೂಕಾರಡಿಲ್

ನೆಲ್ಲಕ್ಕಿ ತೂಕಾರಡಿಲ್ ಕೈತೊತ್ತ್ ಬೋಡುವಿ
ಸುತ್ತ ಕಾಂಬ ಕುಂದ್ ಕಾಡಾಲ್ ನೀಡ ಮಹಿಮೆನ ಪಾಡುವಿ
ನೀಡ ದಯತ್‌ರ ಬೊಬ್ಬೊಳಿಯು
ದಿನ ಮನೆಲ್ ಎಲಂಗಡ್ ||ನೆಲ್ಲಕ್ಕಿ ತೂಕಾರಡಿಲ್||

ಕೊಲ್ಲಿ ನೀರಾರ ತಣ್ಣಪುಂಡೇಂಗಿ ತೆರ್ಮೆ ತೊಪ್ಪು ಬಾಡುಲೆ
ಪೊದೆ ಪೋಪಕ ಬೆದ್ ಉಂಡೇಂಗಿ ಕದ್ ಗೊನೆ ಜಳ್ಳಾಪುಲೆ
ಒಂದ್ ಆಕತ ತಂದ್ ಎಂದಿಕೂ
ಚೆಡ್‌ಂಜ ಚುರ್ ಕಡುರನ್ನನೆ ||ನೆಲ್ಲಕ್ಕಿ ತೂಕಾರಡಿಲ್||

ಮಕ್ಕಳಿಲ್ಲತ ತಕ್ಕಾಮೆ ನಡ್‌ತಿತೂ ಋಣವಿಲ್ಲೆ
ಕುಂಞಿ ಇಲ್ಲತ ತೊಟ್ಟ್‌ನ ಜೂಕಿತೂ ಫಲವಿಲ್ಲೆ
ಮೊಳಿ ಇಲ್ಲತ ಪಾಟ್ ಎಕ್ಕಕೂ
ನೀರ್ ಕಾಟ್ಟತ ಕೆರೆರನ್ನನೆ ||ನೆಲ್ಲಕ್ಕಿ ತೂಕಾರಡಿಲ್||

ಈ ಬದ್ಧಾಕ್

ನರ ಮನಾಷ್ಟ್ರ ಎಚ್ಚಕ್ ಪಡ್ಚಕೆನ್ನಾ
ನೆತ್ತಿಕೆಳ್ಳಾನ ತಿದ್ನಾನವನುಂಡಾ
ಬಾಲ್ಯ ಯೌವನ ಮುಪ್ಪಾರ ಈ ಮೂಂದ್ ದಿನತ್
ಬದ್ಧಾಕ್ಕಾಯಿತ್ ಪಣ ಕೂಟಿ ಬೆಚ್ಚತ್
ಒರ್ ಪುಡಿ ಕೂಳ್ಳಕ್ಕಾಯಿತ್ ||ನರ ಮನಾಷ್ಟ್ರ||

ಓರವ್ವಂಡ ಮಕ್ಕಳಾಯಿತ್ ಪುಟ್ಟಿತ್
ಕೆತ್ತಿ ಕಳ್ಳಚತ್ ಮೂಂದಡಿ ಜಾಗಕಾಯಿತ್
ಚತ್ತ ಪಿಂಞ ಮಾರುದ್ಧ ಕೊಂಡಾಡಿ
ಚುಟ್ಟಿತವನ ಮಂಗಳಪಾಡಿ ||ನರ ಮನಾಷ್ಟ್ರ||

ಅಲ್ಲಿಕ್ ತೇಂದತ್ ಬದ್ಧಾಕ್ರ ಯಾತ್ರೈ
ಪುಟ್ಟಿ ಬಪ್ಪಕ ಬಾತ್ ಬೆತ್ತಲೆ
ಚತ್ತ ಚಟ್ಟಕ್ ಪೋಪ ಬೆತ್ತಲೆ
ಎಣ್ಣುವ ಸತ್ಯ ಮರ್ಕತೆ
ಬಾವನ ಬದ್ಧಾಕ್ನ ಚಂದೋಳತ್ ||ನರಮನಾಷ್ಟ್ರ||

ಗೇನ ಬಾತ್

ದಾರೂ ಇಲ್ಲತ ನೇರತ್‌ಲ್ ನೀಡ ಗೇನ ಬಂದತ್
ಏರಿಕಾಲೆ ನಡ್‌ಂದ್ ಬಪ್ಪನೆ ಗೆಜ್ಜೆ ಸದ್ಲ್ ಕೇಟತ್

||ದಾರೂ ಇಲ್ಲತ||

ನಾಡ ಪಾಟ್‌ಕ್ ರಾಗ ಕೂಟತ್ ಪಾಡ್‌ನನ್ನಕೆ ಆಯಿತ್
ತಾಳ-ಮೇಳ ರಾಗ ಕೂಡುವಕ ಸ್ವರವೇ ತಪ್ಪಿ ಪೋಯಿತ್
ದಂಡ್ ಸ್ವರ ಒಂದಾಕಣೆ ಗೇನ ಮರಂದ್ ನಿಂದತ್

||ದಾರೂ ಇಲ್ಲತ||

ಕುಂಡೋಣಿರ ಇರ್‌ಟತ್‌ಲ್ ನೀಡ ನಳತ್‌ನ ಕಂಡಿತ್
ಕರ್ತಬಾವುರ ಮೋಡತ್‌ಲ್ ಬಾನ ತೆಳ್‌ಂಗಿ ಬಂದನ್ನೆ
ಬಾನತ ಮಿನ್ ನೀನಾಕಣೆ ಗೇನ ಮರಂದ್ ನಿಂದತ್

||ದಾರೂ ಇಲ್ಲತ||

ಪತ್ತಾಕಿಲ್ಲತ ಬೋಳೆ ಕಂಡ್ ನೀಡ ಬಟ್ಟೆ ಕಾತನಾ
ನೀಡ ಕೂಡೆ ಕುಂಞಿ ಕಂಡ್ ಮೇಲ್ ಬೆವರಿತ್ ನಿಂದನಾ
ಕಾವೇರಮ್ಮೆರ ಮಣ್ಣ್‌ಲಿಂದಿಕೂ ಕೊಡವತನ ನೀ ಮರಾಕತೆ

||ದಾರೂ ಇಲ್ಲತ||

ಮೋಂವೊ ಎಲ್ಲಿಯಾ?

ತಂಗಾಳಿ ಎಣ್ಣೆ ನೀನೊಮ್ಮೆ
ನಾಡ ಕುಂಞಿ ಮೋವ ಬಕ್ಕುವಾ
ಕಣ್ಣೆ ತೊರಂದ್ ಎದ್ದ್ ಬಕ್ಕುವಾ || ತಂಗಾಳಿ ಎಣ್ಣೆ||

ತೊಟ್ಟಲ್ ಜೂಂಗಿಯಂಡಿಂಜತ್
ಪಾಲಾನ ಮೊರಟ್ ಕೇಪಿಂಜತ್
ಬೊಣ್ಣೆ ನೈಯಿ ತಿಂದ್ ಬೊಳ್ಂದತ್
ಪಟ್ಟಲ್ ಕಳ್ಚಂಡಿಂಜತ್ || ತಂಗಾಳಿ ಎಣ್ಣೆ||

ತೇಂಗೊರತ್ ಅವ್ವಂದೆಣ್ಣುವಾ
ಉದ್ದ ಜಡಲ್ ನೀಳ ಜಡಿಂಜವಾ
ತಾಮನೆನ ಇಳ್ಂಜಿ ಪೋನವಾ
ಬಾಮನೆಲ್ ಬಾಳಂಡಿಂಜವಾ || ತಂಗಾಳಿ ಎಣ್ಣೆ||

ಕಾ.....ಸದ್ ಮಾಡಿಯಂಡ್
ಕೈಪುಡ್ಚ ವಡಿಯಂಡ ಕೂಡೆ
ಒಪ್ಪರತ್ ನಡ್ಂದ್ ಪೋನವಾ
ಚಾವಾಯಿತ್ ಮಡಂಗಿ ಬಂದವ ||ತಂಗಾಳಿ ಎಣ್ಣೆ||

ಜಿಮ್ಮಿ ಅಣ್ಣಂಗಾಯಿತ್

ಪರಿವ ಈ ಕಣ್ಣೀರ್ಲಾ ಕಥೆ ಉಂಡ್ ನೂರ್
ವಿಧಿರ ಈ ನಾಟಕಕ್ ಜವಾಬ್ ತಪ್ಪಂಪೊ ದಾರ್
ತಾನೆಳ್‌ದ್‌ನದ್ ಬೋರೀ ಅಚ್ಚ್ ಆಕಂಡೂಂದಲ್ಲಾ
ಸ್ವರ ಎಡ್‌ತ್ ಪಾಡ್‌ನದ್ ಬೋರಿ ಪ್ರಚಾರಕ್‌ಂದಲ್ಲ
ನಟನೆ ಮಾಡ್‌ನದ್ ಪಯಿಪುರ ಕಾಸ್‌ಕ್‌ಲ್ಲ
ಇನ್ನನೆಲ್ಲಾ ಇಂಜಿತೂ ಬದ್‌ಕಿರಣೆಕ್ ಬದ್‌ಕ್‌ಲೆ ||

ಪೊನ್ನಿಗ್ಗುತ್ತಪ್ಪನ ಮನತ್ ನೆನತಿತ್
ಓರೋರ್ ಮುತ್‌ನ ಭಕ್ತಿಲ್ ದುಡಿಕೊಟ್ಟಿ ಆಡಿತ್
ಎದೆರಾಳತ ವ್ಯಸನತ್‌ನ ರಾಗತ್ ಪಾಡಿತ್
ಮನೆ ಇಳ್‌ಂಜ ತಂಗೆಕ್ ದೀರ್ಘ್ ಸುಮಂಗಲಿತನ ಬೋಡಿತ್
ಕುಂಕುಮ ಎಂದಿಕೂ ಚಿತ್ತಾಕತಿರಡ್‌ಂದ್ ಪಾಡಿತ್ ||

ಕೊಡವತಿ ಪೊಂಗಳ ಪಾರ್ವತೀಂದ್ ಹೊಗಳಿತ್
ಬಂಬ ಕೊಡವಕ್ ಕುಡಿಕತೀಂದ್ ಎಣ್ಣೆತ್
ಮರ್‌ಪ ಕಯ್ಯಲೆ ನಿಂಗ ಕೆಜ್ಜದ್ ಎಂಥ ಕಮ್ಮಿ
ಕೊಡವ ಸಂಗೀತ ಲೋಕತ್ ಮುಲ್ಲೇರ ಜಿಮ್ಮಿ
ಕೊಯಿತಿರ ಓರೋರ್ ಮುತ್ ಕೊಡವ ಸಾಹಿತ್ಯ ಮಾಲೆಲ್
ನಿಂಗಾಯಿತುಳ್ಳೀರ ಓರ್ 'ಪವಳ' ಈ ನಾಡ ಜೋಮಾಲೆಲ್ ||

ತಾಮನೆಕ್ ಬಾ ಮೋವ

ಓ ಕುಂಞಿ ಮೋವ ಓ ಕುಂಞಿ ಮೋವ
ನೀನೊಮ್ಮ ತಾಮನೆಕ್ ಬಾವ
ಪೆತ್ತವ್ವನ ಒಮ್ಮ ನೋಟ್
ಆಂಗಾಯಿತ್ ಈ ತುಳಿ ಪಾಟ್ ||ಓ ಕುಂಞಿ ಮೋವ||

ನೀನ್ ಕುಂಞಿ ಆಯಿತ್ ಮನೆ ಮೋವಳಾಯಿತ್
ಬಾಳಿ ಬದ್ಕಿಯ ನೀ ಅಂದ್
ವಡಿಯಂಗ್ ಪೊಣ್ಣಾಯಿತ್ ಬಾಮನೆರ ಬೊಳಕಾಯಿತ್
ಬಾಳ್ ಆ ಮನೆಲ್ ಇಂದ್ ಎಂದೂ
ನೀ ನಡಪ ನಡಲೆಂದೂ ಕಷ್ಟ ಬರತಿಪ್ಪುಲೆ
ಸುಖಿತಾರ ಬಟ್ಟೆಯು ದೂರ ಇಲ್ಲೆ
ಬಾಳ್ ನೀ ಸುಖಿತೇಂದ್ || ಓ ಕುಂಞಿ ಮೋವ||

ಬಾಮನೆ ದುಂಬ ನೀಡ ನಡೆಯೇ ಇರಡ್
ತಾಮನೆಕೇಂದ್ ಕೀರ್ತಿ ಬರಡ್
ಮಾಂವ ಮಾಯಿ ಕೂಡೆ ಹೊಂದಿಯಂಡ್ ಪೊಂಡು ನೀನ್
ವಯಸ್ಸು ನೀಡ ಬಯ್ಯತುಂಡ್
ನೆಲ್ಲಕ್ಕಿಲ್ ಬೊಳಚೆಂದೂ ತಪ್ಪತಿರಡ್
ಕೈಪುಡ್ಚೆ ವಡಿಯ ನೀಡ ಮಿಂಞತಿರಡ್
ಪೊ ಪೋಲೆ ಬಾಳ್ ನೀನ್ || ಓ ಕುಂಞಿ ಮೋವ||

ಇದ್ ಏದ್ ನ್ಯಾಯ್?

ಕೊಯತ ಪೂವಾರ ಮೊಗ್ಗ್ ಚೂಡೋಕ್ ಜಡೆಕ್
ಬಾಡ್ಚಿ ಆ ಮಾಲೆ ಕುಂಬ್ಯಾರ್ ಬೆದ್‌ಕ್
ಪರ್‌ಂದ್ ಬಂದ ಕ್‌ಬ್ಬೂಮಿರ ಈ ನಾಡ್‌ಕ್
ಬಾಳೋಕ್ ಬೋಂಡು ಸಂಗಾತಿ ಜೊತೆಕ್
ಆ ಬಾಳನೆ ತೇಡಿ ತೇಡಿ ಅಲೆಂದ ಕಡೆಕ್
ಅಂತೂ ಅರ್ಥ ಆಯಿಲೆ ವಿಚಿತ್ರ ಬದ್‌ಕ್||

ಕಣ್ಣ್ ಮುಚ್ಚಿ ತೊರ್‌ಕಣೆ ತೋಂದೋಚಿ ನಾಳ್
ಗೆನ ಮಾಡಿತಾಕಣೆ ಕಯಿಂಜೋಚಿ ಬಾಳ್
ಮಾಲೆರ ಕೂಡೆ ನಾರು ಪೋಪಲೋ ದೇವಿ ಮಾತೆರ ಚಂಗ್‌ಕ್
ನಾನಾಯಿಲೆ ದಂಡು ವ್ಯರ್ಥ ಈ ಜಗತ್‌ರ ನ್ಯಾಯಕ್||

ಪುಣ್ಯ ಕೊಡಗ್

ಕಾವೇರಮ್ಮ ತೀರ್ಥ ಆಯಿ ಪರ್ಂದ ಕೊಡಗಿದ್

ಅಮ್ಮೆ ಪರ್ಂಜ ಕೊಡಗಿದ್

ಇಗ್ಗತ್ತಪ್ಪ ಮಳೆಯಾಯಿ ತೊರ್ಂಜ ಮಣ್ಣಿದ್||

ಹರದಾಸ ಅಪ್ಪಚ್ಚ ಕವಿ ಪಾಡ್‌ನ ಮಂದಿದ್

ಕಾರ್ಯಪ್ಪಜ್ಜ ತಿಮ್ಮಯ್ಯಜ್ಜ ಪರ್ಂದ ತೊಟ್ಟಿದ್

ಪಡೆಯಾಳಿಯ ಬೀರ್ಯ ಪಡ್ಂದ ತ್ಯಾಗ ನಾಡಿದ್

ಎಲ್ಲಾ ನೇರತೂ ಶಾಂತಿ ಮೆರ್ಂದ ಪುಣ್ಯ ಕೊಡಗಿದ್

ಈ ಪುಣ್ಯ ಕೊಡಗಿದ್||

ತೇಗ, ಚಾಂದ್, ಬೊಳ್ಳಾಂದಿರ ಪಟ್ಟೆ ಕಾಡಿದ್

ಕೋಡ, ಕೇಮ ಓಡಿ ಕಳಿಪ ದೇವ ಕಾಡಿದ್

ಮಳು, ಸೀಗೆ, ಉಪ್ಪುಲಿರ ತೇನ್ ಗೂಡಿದ್

ಕಾಫಿ, ಪುಳಿ, ಯಾಲ ಮಲೆರ ಚಾಯಿ ನಾಡಿದ್

ಈ ಪುಣ್ಯ ಕೊಡಗಿದ್||

ಬಾಳುವೊ...ಎನ್ನನೆ

ಮನಸ್ಸೆ ಎಳೆದೊನ ಕವನತ್ ಗೇನ ನೂಯಿಟೆಟ್
ಎಡೆಕಡೆಕ್ ಪಾಂಚ್ ಪೋಪ ನಳತ್ ಬಂದವಡ ಗುಟ್
ನೂಯಿಟೆಟ್ ಆಸೆ ಇರೊಂಡು ಪರೊಂದ ಈ ಬಾಳಲ್
ಕಳತಚ್ಚಕ್ ಫಲ ಕೊಟ್ವ ಕ್ಕೆಚ್ಚುಮಿ ಮಣ್ಣಲ್||

ನಡಪ ಬಟ್ಟೆಲ್ ಮುಳ್ಳು ಕುತ್ತುವ ಕಾಲಾರ ಅಡಿಕ್
ಚುಂಡೆಲ್ ಮುಳ್ಳು ಉಂಡೇಂಗಿಯೂ ರಸ ನಲ್ಲದ್ ತಡಿಕ್
ಶಾಂತಿ ನೆಮ್ಮದಿ ತಾಳೆ ನಲ್ಲದ್ ನರ ಮನ್ಷ್ಯಂಡ ಮನಕ್
ಬಾರ ಆಯಿತಿಪ್ಪಕಾಗ ಋಣಿಯಾಯಿತಿರಂಡು ಈ ಜಗಕ್||

ನಂಗಾಯಿತಿರಂಡು ಮಾದರಿ ಜಬ್ಬುಮಿರ ಪರೊಂಬುಲ್
ಚಂದೋಳತ್ ಬಾವೊಂಡು ಮುಂದಾನ ನಾಡಲ್
ಕಷ್ಟ ಇಲ್ಲತೆ ಸುಖ ಇಲ್ಲೆ ಬಾಳಾರ ಎದೊಪಲ್
ತೆಳಿ ತೆಳೆಚಂಡ್ ಬಾಳನ ಬೀರ್ಯ ಪಡೊಂದ ಈ ಕೊಡಗಲ್||

ಪಾಕುಂಞಿ ಆಪಾಸೆ

ದಕ್ಷಿಣ ಗಂಗೆ ಪರಿವ

ಪಡ್ಞಾರ್ ಕುಂದಾರ ಸಾಲಲ್

ಬಾನ ಮುಟ್ಟಿ ಬೊಳಂದ ಚೋಮ ಕುಂದಾರ ನಾಡಲ್

ಬ್ರಹ್ಮಗಿರಿ ತಡಿಯಂಡ ಮೋಳಾರ ಬೊಳ್ಳಾಂದಿ ತಾಂದಿರ ಕಾಡಲ್||

ಚಕ್ಕೆ ಮಾಂಗೆ ಆಜಿನಿ..... ಕೂಡನ್

ಗೋಳಿ ಉಪ್ಪಾಲಿರ ಪುಳಿಲ್ ಸೀಗೆ ಚಂಗೆರ ಜಿಗ್ಗಲ್

ಮಂಜಿ ಮೋಡತರ ಮುಸಾಕ್ಲ್ ಉದಿಪ ಚಣ್ಣೂರಂಡ ಕಾಚತ್

ರೆಕ್ಕೆ ಬಡ್ಚಿ ಪಾರುವೊ ಮಣಿ ಪಡ್ಚಿ ತೋರೆರ ಕೂಟಲ್

ಕೋಂಬಕ್ಕೆ ಕುರುಳಿರ ಗೂಡಲ್||

ತುಂಬೆ ತುಳಸಿ ಗರಿಕೆರ ಚಪ್ಪಯ್ಯ ಮಲ್ಲಿಗೆರ ಮಾಲೆಲ್

ಯಾಲಮಲೆ ಇಳಿಜಾರಲ್ ಕಾಫಿ ಪುಳಿರ ಚೂದಲ್

ಇಗ್ಗುತ್ತಪ್ಪಂಡ ಬನ ಕಾಡಲ್

ಗಂಗೆರವ್ವ ಕಾವೇರಿರ ಪರಿವ ಜಲರಾಶಿಲ್

ಓಡಿ ಪಾರಿ ನೆಲ್ಂದಂಡೆ 'ಪಾಕುಂಞಿ'

ಆಯಿತೇ ಇಪ್ಪಕಾಸೆ

ನಾಡ್‌ಕೆಂತ ಮಾಡಿತ್ ?

ನೆನತ್‌ನ ಇಂದಿಕ್ಕ ಅಂದಿಂಜ ಪೆರಿಯಂಗಳ

ಚಾಯುಳ್ಳ ಸಂಸ್ಕೃತಿ ತಂದ್ ಮರೆಯಾನ ಅಜ್ಜಪ್ಪಂಗಳ

ಪಡೆ ಪೊತ್ ದೇಶಕಾತ್ ಶೌರ್ಯತನ ಮೆರಂದನ್ನತ

ಪೊಮ್ಮಾಲೆ ಕೊಡಗಲ್ ಪರಂದ ಆ ವೀರ ಯೋದಂಗಳ||

ಮುಂದ್ ಮನೆ ಕಯಾಲೆಲ್ ಅಳಪಯಿಂಜತ್ ಐಮರ್ತ್

ಮಂದ್ ಮಾನಿಲ್ ಕೂಡಿ ದುಡಿ ಎಡ್‌ತ್ ಪಾಡುವಯಿಂಜತ್

ಕಾಲಕೊಮ್ಮ ಕೂಡುವಯಿಂಜತ್ ಒಕ್ಕಕಾರ ಕೈಮಡತ್

ಕಾರೋಣನ ನೆನತಿತ್ ಮೀದಿ ಅಂದ್ ಬೆಪ್ಪಯಿಂಜತ್||

ಕನ್ನಿ ಕೋಂಬರೆ ಬಾಡೆ ಒಡಕಿ ತೆಳ್‌ನೀರ್ ತಳಿಪಿಂಜತ್

ನಡುಬಾಡೆ ನೆಲ್ಲಕ್ಕಿಲ್ ಅಂದಿ ತಿರಿ ಬೆಪ್ಪಯಿಂಜತ್

ನಲ್ಲಾಂಗೂ ತೀಯಾಂಗೂ ಪೆರಿಯಯಿಂಗೆ ನೆಲ್ಲಕ್ಕಿಲ್ ಕೂಡಿ

ಅಕ್ಕಿ ಇಟ್ತ್ ದೇಬುವಳ ಕೈತೊತ್ತ್ ಬೋಡುವಿಂಜತ್||

ಇಲ್ಲಿ ಪುಟ್ಟಾನ ನಂಗ ಕೇಪ ಕೊಡಗೆಂತ ತಾತ್‌ಂದ್

ಕಾವೇರಿ ತೀರ್ಥ ಕುಡ್‌ಚ ನಂಗ ನಾಡ್‌ಕೆಂತ ಮಾಡಿತ್ |

ಇಗ್ಗುತ್ತಪ್ಪ ನೆಲೆ ನಿಂದ ಮೆಕೊಟ್ಟರ ಮಂದಿದ್

ಕಾವೇರಮ್ಮೆರ ಏರ ಪಡ್‌ಂದ ಪುಣ್ಯ ನಾಡ್ ಕೊಡಗಿದ್||

ಪೊನ್ನಾ ನಾಡ್

ಪೊಮಾಲೆ ಮಣ್ಣೆದ್ ಪೊನ್ನಾನಾಡ್
ಜಬ್ಬೂಮಿ ಮೀದಾರ್ ಸಿರಿನಾಡ್
ಭಾರತ ಮಾತೆಕ್ ಪೊಂಗುರಿಯು
ಮಲೆನಾಡ್ ತಣ್ಣಾಪ್ಪಾರ ಐಸಿರಿಯೋ||

ಯಾಲಕ್ಕಿ ಗಮನತಾರ ತಾಮನೆಯು
ಕಾಫಿ, ಮಳು, ಪುಳಿರ ಬಾಮನೆಯು
ತೇನ್ ಪಾಡಾರ ಚೋದಾರ ನಾಡ್
ಸಾಹಿತ್ಯ ಸಂಸ್ಕೃತಿರ ಸಂಗಮತ ಗೂಡ್||

ಪಡಿಪ ಮಕ್ಕಕ್ ಆದ್ಯ ಮೊಟ್ಟಿದ್
ವೀರ ಶೂರಂಗ ಜೂಂಗ್‌ನ ತೊಟ್ಟಿದ್
ಕಳ್ಳತಚ್ಚಕ್ ಪೊನ್ನಾ ಕೊಟ್ಟಾವ ಮಣ್ಣೆದ್
ಕಾವೇರಮ್ಮೆ ಇಗ್ಗುತ್ತಪ್ಪಂಡ ನಾಡಿದ್||

ಪುಟ್ಟಿಂಗ್ ಕಣ್ಣೀರ್

ಅಣ್ಣಿಂಗ್ssss ಕಣ್ಣೀರ್ ಎಳ್
ಸಾಹಿತ್ಯವೇ ನೀಕಿಂಜ ಸೂತ್
ಕಥೆ ಕವನ ಚುಟಾಕ ಚೂರ್ ನೀ ಬಂಬ
ಬುಟ್ಟ್ ಪೋಯಿಯಲ್ಲ ನಿನ್ನ ಎಲ್ಲಿ ಕಾಂಬ||ಅಣ್ಣಿಂಗ್||

ನಾಲ್ನಾಡ್ ನಡ್ವಲ್ ಪುಟ್ಟಿಯ ಪುಟ್ಟಿಯಾ
ಎಲ್ಲಾಡ ಮಧ್ಯತ್ ನೀ ಇಂಜಿಯ ಇಂಜಿಯಾ
ಸಾಹಿತ್ಯತಾರ ಪುಡ್ತವೆ ನೀಕಿಂಜ ಬಲ್ಲರಿಕೆ
ಸಹಕಾರ ಕ್ಷೇತ್ರತ್ ಪಡ್ಂದಿಯ ನಲ್ಲರಿಕೆ
ನೀ ನಂಗಳ ಬುಟ್ಟಿತ್ ದೂರಕ್ ಪೋಯಿಯಲ್ಲssss
ನೀಡ ಕಥೆ, ಕವನ, ಓದೋ ಭಾಗ್ಯ ನಂಗಳಿಲ್ಲೆ, ನಂಗಳಿಲ್ಲೆ ||ಅಣ್ಣಿಂಗ್||

ತುಂಬೆಲ್ (ಗಿಡತ್) ದುಂಬಿನ ಪುಡ್ಚಿಯ ಪುಡ್ಚಿಯಾ
(ಕೊಡವ) ಸಾಹಿತ್ಯ ಕೋವುಲ್ ಎಲ್ಂಗಿಯ ಎಲ್ಂಗಿಯಾ
..... ನೀನಾಯಿ ಕಥೆಲ್ ಮೆರ್ಂದಿಯಾ
ಜೀವನ ರಂಗತ್ ಕಷ್ಟತೇ ಸಾಗಿಯಾ
ಕೊಡವ ಸಾಹಿತ್ಯ ಕೋವುಲ್ ನೀನೋರ್ (ದಿವ್ಯ) ಬಿಂದು, ಬಿಂದು
ಸಹಕಾರ ತತ್ವತ್ ಆಯಿತಿಂಜ್ಯ ದೀನ ಬಂದು, ಬಂದು
||ಅಣ್ಣಿಂಗ್ ಕಣ್ಣೀರ್||

ಜಮ್ಮ ನಾಡ್

ಅಿಜ್ಜಪ್ಪಂಗ ಪೋತಿಯಂಡ್ ಬಂದ ಈ ಜಮ್ಮ
ಅಂದ್ ಎನ್ನನಿಂಜತ್‌ಂದ್ ಗೇನ ಮಾಡ್ ನೀ ಒಮ್ಮ
ಅದ್‌ನ ಉಳಿತಿಯವದೇ ಆಯಿಪೋಯಿತ್ ನಂಗಡ ಕರ್ಮ
ಆನ ಬೊಳ್‌ತುವಕಾಯಿತ್ ತಡಿಲಿರಡ್ ಚೆನ್ನ ಮರ್ಮ||

ಜಮ್ಮ ಜಾಗೀರ್ ಉಂಬಳಿದೆಲ್ಲ ಅಪ್ಪ ಅಜ್ಜಂಗಡ ಆಸ್ತಿ
ನಂಗ ಮಾಡ್‌ನದ್ ಎನ್ನ ಉಂಡೇಂಗಿ ಅದ್‌ಂಡ ದುರಸ್ತಿ
ಬೇರ್‌ಚ್‌ಡತೆ ಸಾಲ ಸೋಲ ಮಾಡ್‌ನಕ ಆಯಿಪೋಪ ಪಜೀತಿ
ಅಲ್ಲಿಂಜ ಒಕ್ಕ ಮಕ್ಕ ಸಂಸಾರ ಅದೋಗತಿ||

ಅದ್ ನಾಡ ಮಣ್ಣ್, ಇದ್ ನಾಡದ್‌ಂದೆಣ್ಣಿ ಕಳಿಕಂಡ ಎಂದು
ನಲ್ಲರಿಕೆಲ್ ಬಾಳ್ ಮಾಡ್ ಜೀವನ ಪತ್ತಡ್ ಕುಂದ್||
ಪೋಣ್ಣ್ ಮಕ್ಕ ಕ್ಕಾರ್ ಮಕ್ಕಳಾಯಿತ್ ಜಮ್ಮ ಆಯಿತ್ ನಂದ್
ಪೊಮ್ಮಾಲೆ ಕೊಡಗ್‌ಲ್ ಕೊಡವನಾಯಿತೆ ಇರ್ ಎಂದೆಂದೂ||

ನಾಡ್ ಕೆಟ್ಟನಾ

ನಾಡ್ ಕೆಟ್ಟನಾ ನಂಗ ನಾಡ್ ಕೆಟ್ಟನಾ
ಕೊಡವಾಮೆರ ಬೊಳ್ಚೆಕಾಯಿತ್
ಈ ಜಮ್ಮ ನೆಲೆರ ನಲ್ಲಾಮೆಕಾಯಿತ್
ನಾಡ್ ಕೆಟ್ಟನಾ ಕೊಡಗ್ ನಾಡ್ ಕೆಟ್ಟನಾ
ನಂಗ ನಾಡ್ ಕೆಟ್ಟನಾ||

ಕಾವೇರಮ್ಮ ನೀರಾಯಿ ಒಕ್ಕೊಚಿ ಪೊಳೆಯಾಯಿ
ಕೋಟಿ ಜನಡ ಕರ್ಮಕಾಯಿತ್ ಕೆಜ್ಜ ಪಾಪ ತೋಪಕಾಯಿತ್
ಉಕ್ಕಿ ಬಪ್ಪವ ತೊಲಿಯಾರ್ ತಿಂಗತ್
ಕೊಡವಾಮೆರ ಬೊಳ್ಚೆಕಾಯಿತ್
ಈ ಜಮ್ಮ ನೆಲೆರ ನಲ್ಲಾಮೆಕಾಯಿತ್ ನಾಡ್ ಕೆಟ್ಟನಾ
ಕೊಡಗ್ ನಾಡ್ ಕೆಟ್ಟನಾ||

ಫೀಲ್ಡ್ ಮಾರ್ಷಲ್ ಕಾರ್ಯಪ್ಪ ಜನರಲ್ ತಿಮ್ಮಯ್ಯ
ಶಿಸ್ತ್ ಗತ್ತಲ್ ಬಾಳಿತಿಲ್ಲಿ ಕಳಚಿ ತೆಳಚಿ ಬೊಳ್ಚೆಂದಿತಿಲ್ಲಿ
ನಾಡ್ ಕೆಟ್ಟನಾ ಕೊಡಗ್ ನಾಡ್ ಕೆಟ್ಟನಾ
ಈ ಜಮ್ಮ ನೆಲೆರ ನಲ್ಲಾಮೆಕಾಯಿತ್ ಕೊಡವಾಮೆರ
ಬೊಳ್ಚೆಕಾಯಿತ್ ನಾಡ್ ಕೆಟ್ಟನಾ ಕೊಡಗ್ ನಾಡ್ ಕೆಟ್ಟನಾ ||

ಹರದಾಸ ಅಪ್ಪಚ್ಚಿ ಪಟ್ಟೋಲೆ ಚಿಣ್ಣಪ್ಪ
ಕಾವ್ಯ ಮಣಿಮಾಲೆ ಕೊಯಿತ ಮುತ್ತಣ್ಣ
ಆಡಿಪಾಡಿ ಪರಂದ ನಾಡ್ ಅಂದ್
ನಾಡ್ ಕೆಟ್ಟನಾ ಕೊಡಗ್ ನಾಡ್ ಕೆಟ್ಟನಾ
ಕೊಡವಾಮೆರ ಬೊಳ್ಚೆಕಾಯಿತ್ ಈ ಜಮ್ಮ ನೆಲೆರ ನಲ್ಲಾಮೆಕಾಯಿತ್||



ಅಮ್ನಣಿಚಂಡ ಪ್ರವೀಣ್ ಚಂಗಪ್ಪ

ವೀರಾಜಪೇಟೆ ಕೊಟ್ಟೋಳಿ ಗ್ರಾಮ ಅಮ್ನಣಿಚಂಡ ಚಂಗಪ್ಪ ಪಿಂಞ ಪಟ್ಟು ದಂಪತಿಯಡ ಮೊಂವೊ. 1971ಲ್ ಪುಟ್ತ್ಯಟಿ. ಮಡಿಕೇರಿ, ವೀರಾಜಪೇಟೆ, ಬೆಂಗಳೂರ್ಲ್ ವಿದ್ಯಾಭ್ಯಾಸ ಮಾಡ್ಚಿ. ಬೆಂಗಳೂರ್ ವಿಶ್ವವಿದ್ಯಾಲಯತ್ ಹಾಕಿ ಕಳಿಕಾರನಾಯಿತ್, ಮೀರತ್ ಪಿಂಞ ಗ್ವಾಲಿಯರ್ಲ್ ನಡ್ಂದ "ಆಲ್ ಇಂಡಿಯಾ ಇಂಟರ್ ಯೂನಿವರ್ಸಿಟಿ ಟೂರ್ನಮೆಂಟ್"ಲ್ ಕಳ್ಚಿತ್. ದಂಡ್ಕಾಲ ವಿಶ್ವವಿದ್ಯಾಲಯತ್ ಹಾಕಿ ಕಳಿಕಾರನಾಯಿತಿಂಜತ್. ಬೆಂಗಳೂರ್ ಸೈಂಟ್ ಜೋಸೆಫ್ ಕಾಲೆಜ್ಲ್ ಡಿಗ್ರಿ ಆನದು, ಕನ್ನಲಿಡೇಟೆಡ್ ಕಾಫಿ ಸಂಸ್ಥೆಲ್ 10 ಕಾಲ ಸೇವೆ ಮಾಡ್ಚಿ. ಇಕ್ಕ ಭಾರತ್ ಮೂವರ್ಸ್ ಎಣ್ಣವ ಎಕ್ಸ್‌ಕವೇಟರ್ ಕಂಪೆನಿಲ್ ಚಾಕ್ರಿಲ್ ಉಂಡ್. ಪೆತ್ತವ್ವ, ಮಲ್ಲಿಗೆ ಮಾಲೆ, ಆಸೆರ ಬಲೆಲ್, ಒರ್ ಸಂಗತಿರ ಸುತ್ತ, ಪೋರಿಯಡ ಪಳಮೆ, ಅಳ್ಪಕಯ್ಯತ ಮಾಂವಿಕ್ ಏವ ಕಯ್ಯತ ಮೈಮ ಎಣ್ಣವನ್ನತ ಚೆರ್ಕತೆ, ಕವನ, ಚುಟುಕ, ಐಟಾಟ, ಇನ್ನತದ್ ಪತ್ರಿಕೆ ಪಿಂಞ ಸಂಚಿಕೆಲ್ ಪ್ರಕಟಾಯಿತ್. ಮಡಿಕೇರಿ ನಿವಾಸಿಯಳಾನ ನೆಲಜಿ ಗ್ರಾಮ ಮುಂಡಂಡ ಕಾವೇರಪ್ಪ ಪಿಂಞ ಜಾನಕಿ ದಂಪತಿಯಡ ಮೊವ ಸುನೀತನ ಮಂಗಲಾಯಿತ್. ಇಯಂಗಕ್ ದಂಡ್‌ಮಕ್ಕ ಉಂಡ್.

ಇಯಂಗಡ ವಿಳಾಸ :

ಅಮ್ನಣಿ ಚಂಡ ಪ್ರವೀಣ್ ಚಂಗಪ್ಪ

"ಶೃತಿ" ಕೊಟ್ಟೋಳಿ

ಕೆ. ಬೊಯಿಕೇರಿ ಅಂಚೆ

ವೀರಾಜಪೇಟೆ 571 218

ಫೋನ್: 9448326014

ಮುದ್ರಣ : ಶಕ್ತಿ ಪ್ರಿಂಟರ್ಸ್, ಮಡಿಕೇರಿ ☎: 228829, 229202